



ル 5
2537
14



五
2537
20-14

日下舊聞卷二十七

京畿三三河

武清

寶坻

灤縣

一河縣在州城東七十里

一統志

一河縣本漢臨洵縣地

清類天文分野之書

按前後漢志上谷涿郡無臨洵縣

臨洵石趙所置亦曰臨渠晉永和六年燕慕容霸伐趙收安樂北平兵糧與其主雋會于臨渠即此城也後魏

廢方輿紀要

唐武德二年析潞縣置臨洵縣貞觀元年省開元四年

更置三河縣新唐書

三河以地近七度鮑丘臨洵三水而名郡縣釋名

七度河在善西北一名黃頌水源自順義縣黃頌峪流

七



注縣界下流入于白河颺丘河在縣西南即白河之別
名也自密雲縣流經通州東境米莊村又流經縣界至
寶坻縣境合于洳河洳河在縣北自薊州平谷縣

縣境又東南流入寶坻縣界合于鮑丘河唐志縣北十
里渠河始西北六十里有孤山陂溉田三千頃渠
河疑即洳河之謫也 方輿紀要

縣初置屬幽州開元十八年改隸薊州 太平寰宇記

後唐長興三年趙德鈞為節度使於幽州東北百餘里

城三河縣以通薊州運路契丹來爭德鈞擊却之九月
朔城三河畢邊人賴之 通鑑

城在今縣東三里洳河南被水衝廢今三河城即趙
德鈞所改置城方六里濠濶三丈深半之 城邑考

元禮部郎中王約有重建三河講堂記亦以縣城始創

十後唐明宗云 名勝志

金元並屬通州 清類天文分野之書

元丞相脫脫將赴三河陞辭元主錫之宴至夜分脫脫

起曰臣明日早行矣半醉半醒過半夜元主笑曰卿明

日行亦不必早三更三點到三河脫脫叩首謝盡歡而

罷 長安客話

縣城高二丈五尺明嘉靖二十九年知縣事張仁增崇

五尺至四十二年知縣事劉文彬又增五尺其角樓敵

臺則知縣張倫所建也 三河縣志
呂高渡三河詩白馬渡三河春風起綠波天圍燕樹
合山遶漢宮多落電流弓影青雲遺劍歌邊烽方未

息吾敢問漁叢 江寧集

縣治洪武初建正統間重修儒學在縣治西南金泰和
間建元至正戊子教諭劉元皓建文廟兩廡明宣德間
重修 三河縣志

王約重建三河講堂記禮部侍郎田君嘉甫告子曰
吾邑三河始城于後唐明宗長興三年宣聖廟未詳
其初而廟之講堂乃金泰和五年蒲察公勗焉榜之
曰明道迄今將百年而摧圮無餘今戶劉君鐸自元
貞二年宰是邑即明道故基而為堂費不擾民而厥
績告成焉 古金貞石志

三河驛在縣南關正德初併公樂夏店二驛剝之者嘉
靖二十九年知縣張仁重修今廢 縣志

李貢併三河驛記三河縣東有驛曰公樂西有驛曰
夏店皆去縣二十里使者東西至以驛在野且隘
不止宿必抵縣宿先是巡撫都御史平湖公勲請
併于縣為三河驛為眾議廢格正德辛未貢檢舊牘
乃運之驛舊材併作成之甚速由是東西使者至皆
領于驛縣釋重累爰刻銘于石曰漁陽之西潞河之
東有三河系處乎其中兩驛距縣各二十里使者不
留必縣是止前賢謀國節財裕人并二為一道豈亦
均我聞于朝天子曰可經之營之有堂有厦昔者候
更輟食而嗟今領于驛寧其室家昔者邑氏苦于帳
具今領于縣有害斯去事雖由我恐蔽前貢刻銘于
石莫永歲年 同上

洵河石橋俗名小河橋在縣南門外正德十二年御馬
監太監張銳建大學士楊一清作碑記銳邑人也同上
楊一清新建洵河石橋記三河縣城南百步有河卽
古之洵河也東通錯橋西達金雞塘境接通薊往來
經由之路歲治浮橋以渡河水泛溢橋輒壞僉謂易
以石庶可久而工役繁莫之能舉也提督東廠御馬
監太監張銳謀于其兄左都督明捐金數千鳩工伐
石屬前大同副總兵指揮同知趙景董其事度之長
三十步高五尺廣若干尺以正德十年十月工成石
滄藁

錯橋在縣東五里之七渡河長安客話

宣德三年七月順天府三河縣奏本縣錯橋東通遼海

西達京師今年五月霖雨山水暴漲壞橋磬石皆斂
使往來不便乞撥軍夫工匠於華山石廠取石修砌庶
幾可成從之宣宗實錄

宋娶宿錯橋詩胡來城下錯橋西神樹棲鴉迫暮啼
數騎東來飲河水一聲羌管碧雲低燕石集

劉希葵詩錯橋臨七渡山色遶洵陽地脈沿溪潤春
流到海長沙容開麗景樹影弄晴光川上情何極東
遊憶故鄉名勝志

宣德三年八月未車駕發京師戊申駐蹕三河縣東
之草橋宣宗實錄

段家嶺在縣東二十里官道傍方輿紀要
靈山華山聖木山駝山俱在縣北靈山去縣治十五里

三面出泉形勝記所謂北倚靈山者也又十五里為葦山一名兔兒山即香河縣駱駝港之源水遶駝山而山故名其心又有石城青梁諸山口聖水山在縣西北三十里又十五里為鳳凰山名勝志

三河縣西北有泉汲以洗目可愈目疾因名聖水長寧客話

泥窪鎮在縣西二十里有巡司又西十里曰夏店有五槐公館又西二十里曰烟郊與通州接界有官兵戍守方輿紀要

金中都轉運使劉樞墓在縣西五十里縣志

劉樞字居中通州三河人天眷二年進上張浩營建燕京宮室選樞分治工役官至中都路轉運使大定四年

卒于官金史本傳

三河縣多曠土宜耕屯有唐會莊為昔時墾植之址政考

武清縣在州城南五十里明一統志

在漕河之西二十五里漕河圖志

武清本漢雍奴縣地屬漁陽郡清類天文分野之書

雍奴藪澤之名四面有水曰雍不流曰奴漢光武建武二年封潁川太守寇恂為雍奴侯魏遣張邵樂進圍雍奴即此城矣水經注

彭寵攻朱浮于薊帝使遊擊將軍鄧隆救薊隆軍潞南浮軍雍奴後漢書

晉屬燕國後魏仍屬漁陽郡方輿紀要

隋屬涿郡唐名幽州天寶初改爲武清縣清類天文分野之書

唐以雍奴爲武清其舊城距白河十七里在今丘家莊南城邑考

至德二載正月李忠臣以步卒三千自雍奴爲韋後過海舊唐書

五代宋金並因舊名元屬大興府至元十三年割屬瀋州明仍屬通州清類天文分野之書

洪武初舊城遭水患遷縣于西八里元衛帥府鎮撫衙卽今治也正德六年崔流氓之變知縣陳希文始築土垣嘉靖二十二年霸州兵備副使楊大章以垣內多曠地截去東北二面築土城樹以女牆隆慶三年巡撫都

御史劉應節總督軍務兵部侍郎譚綸甃以磚城周圍一千五百七十丈高二丈七尺雉堞一千九百八十八敵臺一十八座三門各建城樓北面無門建鎮雍樓武清縣志

縣治在城北儒學在縣治之南同上

法昌寺在縣治東北永樂十八年建寰宇通志

灤水店在縣北三十里往來孔道也方輿紀要

中衛屯田世祖至元四年於武清香河等縣置立十一年以各屯地畧相去百餘里往來畊作不便遷于河西務荒莊楊家口青臺楊家口等處元史兵志

至元二十四年正月以修築柳林河隄南軍三千浚河西務漕渠元史世祖紀

至元二十五年內外分置漕運司二其在外者于河西務置司領接運海道糧事 元史食貨志

二十六年五月發武衛親軍千人濬河西務至通州漕

渠二十九年二月發通州河西務粟賑東安固安薊州

寶坻縣饑民 元史世祖紀

河西務十四倉曰永備南倉永備北倉廣盈南倉廣盈

北倉充溢倉崇墉倉大盈君大京倉大稔倉足用倉豐

儲倉豐積倉恒足倉既備倉 元史百官志

河西務在縣東北三十里自元以來皆為漕運要途明

初大軍由直沽敗元人于河西務今為商民攢聚舟航

輻輳之地設戶部分司駐焉隆慶六年築城環之可以

守禦有河西驛并置巡司於此 方輿紀要

隆慶四年八月築通州河西務城 穆宗實錄

河西務漕渠之咽喉也春夏之交病涸夏秋之交病溢

濱河建有龍祠以時祭禱兩岸旅店叢集居積百貨為

京東第一鎮戶部分司於此權稅 長安客話

傳若金河西務詩驛路通畿甸教倉俯漕河騎瞻西

日去帆聽北風過燕薊舟車會江淮貢賦多近聞愁

米價素食定如何 傳與嶠詩集

王懋德過河西務詩霜滿平隄柳漸凋月移帆影過

東橋臥聽柔櫓鳴秋水絕勝鄰雞報早朝 文翰類選

吳寬宿河西務遇雪詩客懷牢落鬢毛斑水宿淹旬

去路艱一夜雪花如席大始知身已到燕山 匏翁家

李東陽舟發張家灣宿河西務作蒼茫正合塵中眼
縹緲真乘水上舟江月海雲疑是夢畫圖詩卷生消
憂沙邊細浪隨鷗鳥樹裏青山入柁樓行過驛亭三
十里五更風急住灘頭

懷麓堂集

靳貴宿河西務詩信宿河西務離心日幾回望凝天
闕近門訝使車來寒氣著人薄晴光向客開明朝須
早發匹馬上金臺

戒菴集

一江以達河西務東談地官詩沙黃日赤天欲暮長河
簸濤風力怒遠樹全分薊北門行人正滯河西務緘
書寄與地官郎可惜相逢不盡觴扁舟兀兀共誰理
回首故人空斷腸

午坡集

樊阜河西務詩遠樹蒼茫夕照低短篷沾酒泊河西

王孫歸去春無力莎草含烟綠未齊

樊氏楠稿

鄭伯興河西務詩早向河津涉東風意盎然碧迎堤

上柳青鎖渡頭烟鶯語聲猶澀花飛色轉妍春光憐

已暮更憶五湖船

修古堂稿

白河在縣東三十五里即運河也北接灤縣南達天津

方輿紀要

泉州城在縣東南四十里漢縣屬漁陽郡後漢因之晉

屬燕國北魏太平真君七年廢入雍奴

同上

沽河東南逕泉州縣故城王莽之泉調也

水經注

洵水又南入鮑丘水又東合泉州渠口故瀆上承宰池

水於泉州縣故以泉州為名北逕泉州縣東又北逕雍

奴縣東西去雍奴故城一百二十里白庠池北入其下

歷水澤一百八十里入鮑丘河謂之泉州口陳壽魏志
曹太祖以蹋頓擾邊將征之從洶口鑿渠逕雍奴泉州
以通河海者也今無水同上

烏丸承天下亂波幽州畧漢民合十萬戶遼西單于蹋
頓尤驍公將征之鑿渠自呼淹入派水名平鹵渠又從
洶河口鑿入潞河名泉州渠以通海二國志

至元十三年七月以楊村至灣雞泊漕渠洄遠改從孫
家務元史世祖紀

至元十九年用丞相伯顏言初通海道漕運抵直沽以
達京城立運糧萬戶三以羅璧與朱清張瑄爲之璧嘗
部漕舟由海洋抵楊村不十日入京師元史本傳

楊村驛在縣南五十里建文三年平安敗燕兵于楊村
進攻通州不克宣德初駕征高煦駐于楊村即此舊
巡司今革管河通判駐焉方輿紀要

顧夢圭夜泊楊村詩秋風嫋嫋燕山外海月娟娟潞
水隈萬里舟航心已倦六年官闕夢初回金莖不慰
文園渴羽扇難遮紫陌埃寄語三江好泉石征夫還

逐雁南來苑贊錄

楊村而東二十里爲桃花口又二十里爲丁字沽由楊
村而西北四十里爲黃家務又三十里爲河西務皆運
道所經也輿程記

縣南百里有韓家村河泊所今廢縣志
至元十三年八月穿武清蒙村漕渠元史世祖紀
郭守敬言通州以南於藺榆河口徑直開引由蒙村跳

梁務至楊村還河以避浮雞洶盤淺風浪速轉之患元史本傳

縣南八十里有三角淀周廻二百餘里即古窪双水也

筒溝其别名耳水自范甕口王家陀河及劉道口魚兒

里諸水匯于大沽港入于海名勝志

南極岸池西至泉州雍奴東極于海謂之雍奴藪其澤

野有九十九澱水經注

武清三角淀云是舊城陰晦之且漁人多見城堞市里

人物填集燕山叢錄

清沽港在縣南八十里西接安沽港東合丁字沽入于

海丁沽東南去天津六十里方輿紀要

沽河從塞外來南過漁陽狐奴縣北西南與濕餘水合

為沽河又東南至雍奴縣西筒溝又東南至泉州縣與

清河合東入于海水經

筒溝濕水入焉俗謂之合口也水經注

至大二年十月渾河水決武清縣王甫村隄濶五十餘

步深五尺三年二月委官督工修治至五月工畢延祐

元年六月渾河決武清縣劉家莊隄口差軍七百與東

安州民夫協力同修元史河渠志

完顏佐初為武清縣巡檢完顏巖住為柳口鎮巡檢久

之以佐為都統巖住副之戍直沽寨金史

至元二十五年四月增立直沽海運米倉元史世祖紀

羅璧督漕至直沽倉潞河決水溢幾及倉壁樹柵率所

部畚土築堤捍之元史本傳

至大二年四月摘漢軍五千給田十萬頃于直沽沿海
口屯種三年四月市耕牛農具給直沽酸棗林屯田軍
元史武宗紀

延祐三年正月改直沽爲海津鎮元史仁宗紀

延祐七年四月海運至直沽調兵千人防戍至治元年

三月發民丁疏小直沽白河五月海漕糧至直沽三年

二月海漕糧至直沽元史英宗紀

泰定三年八月作天妃宮于海津鎮元史泰定帝紀

天曆元年九月募丁壯守直沽元史文宗紀

至正九年四月立鎮撫司于直沽海津鎮十一年六月

發軍一千從直沽至通州疏濬河道元史順帝紀

至正十七年毛貴率賊衆由河間趨直沽遂犯瀋州元

史列傳

二十六年六月命知樞密院事買問以兵守直沽元史
順帝紀

直沽河淤數年中書省委崔敬浚治之給鈔數萬錠募
工萬人三月告成元史本傳

直沽設廣通倉元史百官志

元都于燕去江南極遠而百司庶府之繁衛士編民之
衆無不仰給於江南自丞相但顏獻海運之言而江
之糧分爲春夏二運蓋至于京師者一歲多至三百萬
餘石民無輓輸之勞國有儲蓄之富豈非一代之良
歟初伯顏平江南時嘗命張瑄朱清等以宋庫藏圖
目崇明州從海道載入京師而運糧則自浙西涉江入

淮由黃河逆水至中灤旱站陸運至淇門入御河以達于京後又開濟州泗河自淮至新開河由大清河至利津河入海因海口沙壅又從東阿旱站運至臨清入御河又開膠萊河道通海勞費不貲卒無成効至元十九年伯顏追憶海道載宋圖籍之事以爲海運可行於是請於朝廷命上海總管羅璧朱清張瑄等造平底海船六十艘運糧四萬六千餘石從海道至京師然朔行海洋沿山求嶼風信失時明年始至直沽時朝廷未知其利是年十二月立京畿江淮都漕運司二仍各置分司以督綱運每歲令江淮漕運司運糧至中灤京畿漕運司自中灤運至大都二十年又用王積翁議令阿入赤等廣開新河然新河候潮以入船多損壞民亦苦之而

忙兀解言海運之舟悉皆至焉於是罷新開河頗事海運立萬戶府二以朱清爲中萬戶張瑄爲千戶忙兀解爲萬戶府達魯花赤未幾又分新河軍士水手及船于揚州平灤兩處運糧命三省造船二千艘於濟州河運糧猶未專於海道也二十四年始立行泉府司專掌海運增置萬戶府二總爲四府是年遂罷東平河運糧二十五年內外分置漕運司二其在外者於河西務置司領接連海道糧事二十八年又用朱清張瑄之請併四府爲都漕運萬戶府二止令清瑄二人掌之其屬有千戶百戶等官分爲各翼以督歲運至大四年遣官至江浙議海運事時江東寧國池饒建康等處運糧令海船從揚子江逆流而上江水湍急又多石磯走沙漲淺

糧船俱壞歲歲有之又湖廣江西之糧運至真州泊入海船船大底小亦非江中所宜於是以嘉興松江秋糧并江淮江浙財賦府歲辦糧充運海漕之利益至是博矣初海運之道自平江劉家港入海經揚州路通州海門縣黃連沙頭萬里長灘開洋沿山嶼而行抵淮安路鹽城縣歷西海州海寧府東海縣密州膠州界放靈山洋投東北路多淺沙行月餘始抵成山計其水程自上海至揚村馬頭凡一萬三千三百五十里至元二十九年朱清等言其路險惡復開生道自劉家港開洋至符脚沙轉沙嘴至三沙洋子江過匾擔沙大洪又過萬里長灘放大洋至青水洋又經黑水洋至成山過劉島至一梁沙門二島放萊州大洋抵界河口其道差爲徑

明年千戶殷明畧又開新道從劉家港入海至崇明州三沙放洋向東行入黑水大洋取成山轉西至劉家島又至登州沙門島於萊州大洋入界河當舟行風信有時自浙西至京師不過旬日而已視前二道爲最便云然風濤不測糧船涇溺者無歲無之間亦有船壞而棄其米者至元二十三年始責償於運官人船俱溺者乃免然視河漕之費其所得蓋多矣

元史食貨志

元自世祖用伯顏之言歲漕東南粟由海道以給京師始自至元二十年至于天曆至順由四萬石以上增而爲三百萬以上歷至元後歲運之數漸不如舊至正元年益以河南之粟通計江南三省所運止得二百八十八萬石二年又令江浙行省及中正院財賦總管府撥賜

謁人寺觀之糧盡數起運僅得二百六十萬石而已同

朱張海餉自三山大洋徑至燕京且言自古所未嘗行此道昉自今始然杜少陵出塞詩云漁陽豪俠地擊鼓吹笙竽雲帆轉遼海粳稻來東吳越羅與楚練照耀與臺軀又昔游詩云幽燕夙用武供給亦勞哉吳門持粟帛汎海凌蓬萊然則自昔燕地皆海運非始于今矣浩然齋視聽抄

海漕運米南土給餉京師內置漕運使司暨萬戶府于京畿外立都漕運萬戶府于吳會歲運米三百五十萬石北抵直沽漕運萬戶之在內者部署其官數往翼舟航交受所運達之京倉朝廷又選官接臨交護名曰接

運 柳待制集

世祖定都于燕合四方萬國之衆仰食于燕以中吳水所聚也故建漕府萬艘如雲畢集海濱之劉家港於是省臣漕臣齋戒卜吉于天妃靈慈宮卜既協吉仍率其屬鳴金鼓以統漕建纛置牙莫敢後先每歲春夏運糧舟將抵直沽卽分都漕運官出接運中書省復遣才幹重臣從至海孺交卸石以數百萬計而較計至于合勺顆粒疇不得虧盈不得溢是亦難矣玩齋集

元海運自朱瑄張瑄始歲運江淮米三百餘萬石以給元京四五月南風至起運得便風十數日卽抵直沽交卸朝廷以二人之功立海運萬戶府以官之賜鈔印聽其自印鈔色比官造加黑印朱加紅草木子

朱清張瑄者海上亡命也久爲盜魁出沒險阻若風與鬼劫畧商販人甚苦之至元二十一年伯顏建議海運乃招二人授以金符千戶押運糧三萬五千石仍立海道萬戶府三以清瑄與羅璧爲萬戶轄千戶百戶所領虎符金牌素銀牌船大者不迺千石小者三百石自劉家港出揚子江盤轉黃連沙嘴月餘始至淮口過膠州牢山一路至正真島望北行轉成山西行到九臯島劉公島沙門島放萊州大洋收界河兩月餘抵直沽實爲繁重至元二十六年增糧八十萬石二月開洋四月直沽交卸五月還復運夏糧至八月回一歲兩運是時船小人多恐懼至元二十七年朱萬戶請長與李福四押運自揚子江開洋落潮東北行離長灘至白水綠水經

黑水大洋北望延真島轉成山西行入沙門開萊州大洋進界河不過一月或半月至直沽漕運利便是歲加朱爲浙江省叅政張爲浙江鹽運司都運如是者二十餘年大德七年招兩浙上戶自造船與脚價十一兩五錢分撥春夏二運延祐以來各造海船大者八九千小者二千餘石歲運三百六十萬石京師稱便迤南番貢亦通蓋自上海至直沽內楊村馬頭凡一萬三千三百五十里不出月餘可以達省費不貲若長樂港出福州經崇明以北又自古未有之利也我朝洪武三十年循倣其制歲運七十萬石以給遼東至永樂間通會河成始不復講

廣輿圖

景泰元年漕粟十五萬自丁沽直沽舟行抵雄縣分給

軍餉此路至今可通行也

掌記

正德五年六月罷濬沽河之役先是巡撫都御史劉堯建議開濬自沽河抵鷗鴻橋以便輸運至是工部言其非便罷之

武宗實錄

正德十六年九月工部覆遮洋運糧指揮王瓚奏直沽東北有新河以轉輸薊州所司不及時疏導河流阻滯必候潮至舟乃可行以致邊餉每匱請濬之使深廣以通歲漕從之

世宗實錄

嘉靖元年正月命工部主事江珊會同巡按御史天津兵備督理新河工程先是海口淤塞漕舟從天津出海復折入梁河而達薊州道遠水湍舟數敗議者謂直沽東北岸有二道一曰新開一曰水套北接濶河徑四十

里可以疏濬成河改由北道無涉海之慮謂之新河行之天順間民大稱便後歲久湮塞漕臣以為言工部議委官督濬疏珊名以諱從之

同上

燕南之地以水為固內千里之水皆會于直沽武清之三角淀即古之雍如長湖百餘里寶坻之七里海亦渺然巨浸皆在直沽之內今不引之相通而更障之置巨壑於無用之地不惟河流不安亦且天險弗設良可憾已

經世要

直沽在縣東南一二十里衛河白河丁字沽合流于此又東南四十里名海口通典謂之三會海口元於此置海津鎮天順二年議自小直沽鑿河四十里達薊州以免海運每三年一濬尋罷

方輿紀要

三沽者丁字沽西沽直沽並禹跡疏導之處其曰丁字沽者以河形三岔如丁字也合衛河白河會于直沽相縈入海土人呼直沽曰大直沽

長安客話

大河以北之水多從直沽入海此即古者九河入海之處地勢卑下遇霖潦直與海平昔人嘗欲因其填淤置稻田以足賦今府境諸水類以直沽爲壑

武清縣志

小直沽有巡司

同上

元臧夢解直沽謠雜還東入海歸來幾人在紛紛道路覓亨衢笑我蓬門絕冠蓋虎不食堂上肉狼不驚里中婦風塵出門即險阻何況茫茫海知許去年吳人赴燕薊北風吹人淚如砥一時輸粟得官歸殺馬稚牛宴閭里今年吳兒求高遷復禱天妃上海船北

風吹兒墮黑水始知溟渤皆墓田勸君陸行莫忘萊

州道水行莫忘沙門島豺狼當路蛟龍爭寧論他人

致身早君不見賈胡剖腹藏明珠後來無人鑿覆車

明年五月南風起猶有行人問直沽

寰宇通志

黃鎮成直沽客行直沽客作客江南又江北自從兵

甲滿中原道路艱難來不得今年却趁直沽船黑洋

大海波連天順風半月到閩海只與七州通賣買嗚

呼江南江北不可通只有海船來海中多風多

賊徒未知來年來得無

秋聲集

傳若金直沽口詩遠漕通諸島深流會兩河烏依沙

料少魚傍海潮多轉粟春秋入行舟日夜過兵民雜

居久一半解吳歌海戍沙爲堡人家葦織簾使收通

漕米兵捕入京鹽蟹憶霜時賤蚊愁夏夜添南人倚
船坐閒愛草纖纖傳與礪詩稿

王懋德直沽詩極目滄溟浸碧天蓬萊樓閣遠相連

東吳轉海輸粳稻一夕潮來集萬船長安客話

張昱輦下曲國初海運自朱張百萬樓船渡大洋

訓不教忘險阻御厨先飯進黃糧張光弼詩集

王洪過直沽城詩水出漁陽地山橫薊北天高樓礙

海日遠噴入江煙市集諸番船軍屯列郡田風高激

刁斗露重濕旌旃匪獨關河壯由來節槩全精三巨

雲翔勁騎出幽燕大漠黃塵外三韓落照前將按定

懷策不用繞朝鞭毅齋集

徐石麒夜發靜海抵直沽作禾黍高低弄夕曛檣燈

零亂破黃昏樹蒸夜氣三分雨帆掛秋風一葉雲

海金鉦傳古戍直沽牙閫駐新軍援遼已竭東南力

何日辰韓始策勲可經堂作

無名氏直沽權歌天妃廟對面沽開津鼓連船柳下

催釀酒未終舟子報柁樓黃蝶早飛來雲帆十幅下

津門日落潮平不見痕葦甸茫茫何處泊一燈明處

有漁村蘼蕪楊柳綠依依檣燕檣鳥立又飛鷺得幽

人歸思緩白魚紫蟹四時肥黃圖雜志

楊柳青地近丁字沽四面多植楊柳故名于文定慎行

詩楊柳青垂驛蘼蕪綠到船潘舍人季緯詩客路蘼蕪

綠人家楊柳青長安客話

楊青驛在縣東南一百五十里舊置驛并通運所於此

嘉靖十九年改置于天津衛今屬河間府靜海縣

方輿紀要

謝遷楊柳青詩直沽南頭楊柳青昔時楊柳今凋零
霜風滿地散黃葉河邊寂寞雙郵亭人道垂楊管離
別北往南來競攀折我來袖手憐枯枝躑躅臨河駐
旌節五雲回首懷漢宮丹楓轉眼經霜空李梅冬實
豈能味垂涎奔走嗤狂童陽回萬物自生色斡旋造
化慚無力百年心跡歲寒同却憶南山舊松栢

歸田稿

高承埏過楊柳青作柳梢青詞春事今年山桃無恙
花朵依然細雨霑沙歸雲逗日淺碧羅天青青楊柳
隄邊且繫住烏篷小船荻笋新芽河豚欲上拚醉盪

前稽古堂集

新莊在縣西南八里亦運河所經今為新莊舖又縣有
八里莊正德中流賊劉六等作亂官軍擊之于八里莊
敗績

方輿紀要

縣西南三十里有長城故址延袤數百里相傳戰國時
燕所築

縣志

霍堡在縣西唐武德初竇建德攻幽州不克乃分兵掠
霍堡及雍奴等縣為幽州總管羅藝所敗堡蓋居人霍
氏所築以自固也

方輿紀要

遼重熙八年二月獵于武清寨之葦甸

遼史

寶坻縣在州城東南一百二十里
寶坻漢泉州縣地後唐於此置鹽倉金初為新倉鎮大

日下書

卷二十七

七

定十二年置寶坻縣 方輿紀要

以香河縣近民附之承安三年陸盈州為大興府支郡

以香河武清隸焉 金史

泰和四年州罷仍為寶坻縣元屬大都路 清類天文分野之書

劉晞顏新建寶坻縣記幽州秦為上谷郡歷漢魏至隋唐或為燕國或為廣陽國或為涿郡或為范陽郡廢置更易不常唐末劉仁恭帥燕其子守光僭稱燕置蘆臺軍於海口鎮以備滄州後唐莊宗命大將周德威破燕軍于平岡復收蘆臺軍同光中以趙德鈞鎮其地遂因蘆臺鹵地置鹽塲又舟行運鹽東去京國一百八十里相其地高阜平濶因置權鹽院謂之

新倉以貯鹽復開渠運鹽貿于瀛莫間上下資其利清泰三年晉祖以遼主有援立之勞遂以山前後十六州遺遼改為燕京因置新倉鎮其後居民漸聚成井肆遂於武清北鄙孫村度地之宜分武清瀛縣三河之民置香河縣仍以新倉鎮隸焉皇朝天德間詔建都于燕京於時畿內重地新倉鎮頗為稱首以權院自趙德鈞初始以來歷遼室及本朝二百年每歲所出利源不竭以補國用故也主上中興撥亂反正思補正隆殘弊命有司改權鹽院署置使司陞為五品設副使之官兼從俸秩視諸刺郡以重其事於時居入市易井肆連絡加之河渠運漕通于海嶠篙師舟子鼓楫揚帆懋遷有無雖千里之遠旬日而至稻

梁黍稷魚蟹不可勝食而材木亦不可勝用也大定
十有一載辛卯冬至郊天後鑿興東廵幸于是邦歷
覽之餘顧謂侍臣此新倉鎮人烟繁庶可改爲縣明
年有司承命析香河縣東偏鄉間萬五千家爲縣謂
鹽乃國之寶取如坻如京之義命之曰寶坻列爲上
縣著于版籍是歲春除令丞簿以典其事粵有縣令
振威將軍王禔來尹是邑縣丞忠武校尉李願主簿
儒林郎李拱昌縣尉昭信校尉孫告中叅豫連判以
備其職時坊郭居民千有餘家自餘村間著爲四鄉
東曰海濱南曰廣川西曰望都北曰渠陽縣治草創
未有公廨縣僚乃相地之宜於渠水之南大覺招提
之西卜爲縣廨招提之東縣丞主簿公署次之又於

縣北郭郭之外卜尉廳焉方營建間吏民鼓舞莫不
子來不一二年皆以卽叙於是礱石以紀其實

縣舊爲土城弘治間知縣事莊禪始易之以甃高二丈
六周一千二十八丈厚與高等池濶倍之門四其名
循金之舊門各建樓東觀瀾南迎薰西拱恩北威遠水
關二北開源南節流角樓四東北挹青東南環碧西南
慶豐西北樂治合而名之曰拱都城有吏部侍郎王鏊
左春坊吳儼二碑

寶坻縣志

縣治金大定間相地在大覺寺之西元季兵火無存洪
武元年遷于城之西南隅三年縣丞柳青重葺儒學在
縣治東北元大德二年中書省左丞劉深宣慰使都元

帥朱斌御史普顏創立至正十年監邑黑廝彥明重修有雷州路總管府經歷鄭惠撰記洪武七年知縣事何文信卽學宮之右闢地建射圃亭自爲記弘治間知縣事武尚信復修之鉛山費宏作記

舊縣治在東門大覺寺內有古鐘傳自東海浮來

名勝

僧洪源自潁州來居寶坻建彌陀菴於城南後跌坐而化其徒闍維之烈焰已絕色身如故乃作龕供之髮鬚長月一削之後爲女子摩其頂髮遂不長

燕山叢錄

金張瓚大覺寺記下管院在新倉水南始遼重熙間老僧常住建彌陀佛舍後跌坐而化火之不死夏臘七十餘其徒二人以師像立于佛側已而髮再生

月則削爲女子所汗而止二僧傳其法度沙門志普志言志名志遠志月自是佛宮日廣建虛殿尋更爲十方院遼之天慶六年也其後又建彌陀殿與兩廡及藏經之所又治鐘旣成將建樓而上行趨遇疾以貞元初年十二月逝僧善和主寺建窰堵以葬其師又建內經一藏漆函金飾工制瑰埤刻毗盧壇覆以毳幘珠纓寶幟文采燦然又建涼堂及鐘樓開園鑿井輓垣一周於是僧徒伐貞石屬西來客張瓚書其事瓚爲孔氏學若浮屠非宿所嗜見和師不亡祖功有足嘉者於是乎書

寶坻舊志

按張瓚記鐘爲寺僧行趨所鑄東海浮來之說傳之者妄也

廣濟寺有遼碑二一銀青榮祿大夫檢校司徒宋璋佛
殿記太平五年立一重熙五年立縣志
寶坻城中有石幢高三丈凡七級石上雕刻工巧中貫
鐵柱頂以金爲之金皇統中建俗傳下有海眼長安客
話

朔霞寺在縣西五里縣志

淤泥河在縣西北二十五里同上

潮河隄自縣西北金陵口抵縣東南江溜口二百餘里
同上

潮河在縣東二十里一名白龍港其上源一自遵化縣
之黎河一自三河縣之洵河鮑丘河至縣界三义口合
流亦曰糧運河東南入于海一縣治東北有渠河自

香河縣來蓋洵水經香河縣而後東入縣界故縣有渠
陽之稱方輿紀要

寶坻縣潮河經其東三义緯其北渠水遶西而絡其南
白龍港自薊州而通于天津橋頭由夏店而合于三义
所謂四水滌洞也縣志

渠河水自香河縣蒲石河東注流經城池內開源水關
入城經武曲橋直注文昌閣下過文明橋西抵文廟之
泮池復南流由通津橋出節流水關蜿蜒百里至八門
城會潮河入海同上

王甫營在縣北三十里又縣北八里有橋頭店縣東南
百二十里有黃沽店俱官軍巡戍處方輿紀要

羅將軍墓在縣北羅村卽羅士信也征高麗經此道卒

名勝志

按新唐書士信從秦王擊劉黑闥洛水上得一城守之城陷不屈死王購其尸以葬初士信為裴仁基所禮及東都平出家財歛葬北邙以報德且曰我死當墓其側至是如所志然則士信之墓當在北邙矣

柳沽河在縣東北三十里玉田縣之水會流入縣境曰柳沽河下流注于白龍港方輿紀要

三共城在縣東北名勝志

歇馬臺故址在寶坻縣南五里相傳金章宗駐蹕處長安客語

秦城在縣南十里秦始皇并燕築城置戍唐太宗征高

麗嘗駐蹕焉方輿紀要

城內有金大定十年所建舍利磚塔縣志

縣東南有草頭湖遵化豐潤縣境之水流入縣界溢而為湖會潮河入海方輿紀要

自寶坻之草頭沽至豐潤之黑雞地宜各以衛兵守之籌兵三十六守

縣東南有七十二沽縣志

梁城在縣東南境五代劉仁恭築其子守光為燕王時據之名勝志

梁城即今梁城所在縣東一百四十里明置梁城守禦千戶所縣志

七里海在縣東南一百三十里同上

七里海計二百五十二里有荒地二萬一千五百餘頃
太監汪直立莊于其中相傳為御用監公物而民墾其
內者一千四百六十餘頃嘉靖初有姦民以水退地百
餘頃欲奪民業投獻內監民訴之闕下遣主事柴儒往
勘還奏曰民之久業輸糧飼馬煎鹽出稅養生送死出
于其中不宜漁奪惟水退堪熟地可入本監然亦當聽
民漁獵樵採上曰地既勘明如擬撥給內監餘悉與民
世宗實錄

畿輔東南諸淀鈎連會于直沽武清有三角淀寶坻有
七里海足以浸灌千頃田今皆棄為汙池誠師虞集海
田之議用脫脫管田之規墾之歲可得粟百萬斛也
世宗實錄

蘆臺 在縣東南一百六十里後唐同光中劉守光所
置俗名將臺 名勝志

後梁乾化三年三月朔晉周德威拔燕蘆臺軍 通鑑

趙德鈞祠在蘆臺巡檢司德鈞鎮蘆臺軍權墮院共所
置也 名勝志

金至寧元年八月衛紹王遇弒是日海水不潮寶坻鹽
司懼其虧課致禱無應九月宣宗即位乃潮 金史五行

大都之鹽太宗丙申年初于白陵港三义估入直沽等
處置司設熬煎辦世祖至元二年又增寶坻二鹽場十
九年改立大都蘆臺越支三义沽鹽使司一二十五年
復立三义蘆臺越支三鹽使司 元史食貨志

張斛蘆臺峭帆亭詩高秋客未還何處望鄉關喬木
蒼烟外孤亭落照間雨晴山覺近潮滿水如閑
峒陽路歸雲不可攀元好問云漁陽有峒陽故詩中
多及之中州集

蘆臺聖母廟距縣治一百六十里寶坻舊志

元平州路廉訪趙鑄重修蘆臺興寶聖母廟記漁陽
東南三百里有蘆臺焉而海背山左踞曠野右跨大
河地僻而卑民勤而野男薪女汲聚土而煮之成醯
而後已舟車水陸運之于民令貴富賤貧旄倪大小
均食之日獲萬緡以輸公府向者大安末河朔不逞
之徒嘯聚山谷後天下革人獲小康歲次庚寅國朝
設十路徵收所選通古今練錢宋明儒術閑吏事者

以補之前學士陳公秀玉為舉首充燕路長前太學
正趙德輝副之明年辟鑄行提領關防鹽使司事於
是集場中遺民五七人俾誅茅剪棘拾瓦礫平陷穿
屋而居之一日沿水而西見有廟巍然勝曰神母詢
諸由來僉曰不知獨一老能道之昔五八時南北各
據限以疆界幽燕之地鹽絕者歲餘百姓病之忽有
姥語人曰此地可煮土成鹽遂教以煮之之法不數
日俄失所在居人神之聖母之號實自此始由是公
私饒足祈祠下者皆如所請鑄因禱之黎明有告者
曰臺南十里皎白如春雪者十數頃其厚寸餘迨而
視之則鹽也盡驅土人挾箕筐收之力未竟復嬰而
為水乃作瑞鹽歌以頌之學士陳公亦留詩廟壁後

二載粘合公來長鹽政謁聖母祠什者起之闕者補之顛者扶之壞者成之天龍置之于左雷師風伯安之于右廟貌一新焉屬鑄書之刻于石丁未年二月望日也同上

翰林直學士高鳴與寶聖母廟記至元二年大中大夫禮部侍郎倪德政爲中都轉運使提領稅使司荅木丁同知使事實抵縣鹽使曹嚴臣副之三人共政動無遺慮而又諮議石慶祥經歷王榮諸椽使交修叅贊盡祛宿弊人誦其德不輟侯聞之曰方今朝廷清明法度修舉吾屬弟行之惟謹何德之有若考其所自之錫汝不旣大矣乎今聖母遺廟雖存風日潰圯苟能完覆其庶幾矣闕寫耆舊聞其言宅徒旅

事不踰歲殿堂門廡煥然一新歲在戊辰副使崔鶚鹽判張仲智李士珍李昭管勾李伯俊劉甫等謀刻石以識本末今詳議張君孝純來請予惟世之人有片能銖效輒自負惟恐人之不我與今侯裕俗之能理財之效著人耳目顧乃溫恭恪遜與人言則歸美朝廷歸德于神之所自可謂賢也矣同上

高承挺蘆臺聖母廟神絃辭我擊鼓兮潭如神之來兮七十二沽我牲牢兮旣薦神之去兮九十九澗煮水兮海壖紛萬竈兮青烟魚龍安宅兮風霽毋作詔我民兮報祀有恪稽古堂集

紅心隄在縣東南二百里秦始皇所築潮水雖涌而隄不沒各勝志

元世祖至元十六年金大都屬邑編民三百戶立屯于大都之寶坻縣為田四百五十頃元史兵志

吳師道陳教授捕蝗寶坻歌去年之夏畿生蝻捕除分道疾如風寶坻從事心獨苦調選強力休罷癘焚香禱神神與通蝗自相食一夕空大書聯帛擁歸馬兒童父老爭言功我聞開元相姚崇按舊古法昇火攻目前除患事應爾潛孚乃在冥冥中當今明良布德澤四錢斗米何難同近聞遺種時出地若遣督捕無如公吳禮部集

儲囁寶坻道中作黃渡坎西仍渡河行行官樹夕陽多客程莫怨黃昏近明月滿空流素波柴墟集

灤縣在州城南四十五里明一統志

在漕河之西三里漕河圖志

縣本漢泉山之霍村鎮遼每季春弋獵于延芳淀居民成邑就城故灤陰鎮後改為縣在古泉南九十里遼史

郭縣漢泉州地遼太平中改為灤陰縣金因舊名清類

天文分野之書

元初為大興府屬縣至元十三年陞灤州割大興府之

武清香河二縣來屬元史

明初復為縣屬通州寰宇通志

縣舊無城郭正德初知縣郭梅始築土城周圍二里嘉靖二十二年增修之門四北拱闕南迎薰東臨津西通都萬曆四年始甃以磚周圍六百二十三丈高一丈八尺雉堞一千一百八十三濠深一丈濶二丈五尺崇禎

八年知縣涂應召增高五尺濶五尺 灤縣志

吳萊灤州詩數株楊柳弄輕烟舟泊灤州河水邊牛
羊散野春草短救勒老公方醉眠 吳淵頴集

陳秀民灤州望古北居庸諸山作古北居庸一壘中
風沙滿眼亂芙蓉曦車夜轉崑崙脊華蓋陰移太乙

峯金口水流終到海玉泉雲起又從龍兩京形勝今
如此可擬秦關百二重 寄情稿

蔣山卿灤縣晚行作漠漠平沙濶荒荒白日低朔雲
孤鴈度昏樹亂鴉棲戍鼓聽猶隔村烟望欲迷關山

有戎馬憐爾尚征西 南冷集
顧夢圭灤縣行入城半里無人語枯木寒鴉幾茅宇

蕭蕭酒肆誰當壚武清西來斷行旅縣令老羸猶出
迎頭上烏紗半塵土問之不答攢雙眉但訴公私

復苦雨雹飛蝗兩傷稼春來况遭連月雨縣城之西
多草場中官放馬來旁午中官占田動阡陌不出官

租地無主縣中里甲死誅求請看荒墳遍村塢 流贅

錄
縣舊治在城南隅元陞為州遷于河西務至正間復移

舊地改立于城東北隅洪武五年復為縣仍舊治儒學

舊在縣東南河西務洪武四年遷于縣治西北隅永樂

四年教諭楊溥葺之正統七年知縣王文復葺之天順
八年知縣賈貞復葺之有刑部侍郎董方碑記 灤縣志

岳文肅公正祠在文廟東嘉靖十年勅建春秋二仲月
上下以少牢致祭 同上

遼統和十二年正月朔瀋陰鎮水漂溺三十餘村詔疏舊渠遼史聖宗紀

乾統四年十月鳳凰見于瀋陰遼史天祚帝紀

元延祐二年正月發卒浚瀋州漕河元史仁宗紀

泰定四年正月築瀋州護倉堤元史泰定帝紀

天曆二年四月浚瀋州漕運河元史文宗紀

揭傒斯以年七十致事去詔遣使追及于瀋南召還撰明宗皇帝神御殿碑文成賜楮幣萬緡白金五十兩中官所賜白金數亦如之黃文獻公集

獨秀園亭在縣北二里遼司徒郭世珍建今廢瀋縣志

馬家莊飛放泊在縣城北八里南新莊飛放泊在縣南

二十五里栲栳堡飛放泊在縣西南二十五里同上

天津橋俗呼新河店元總管郭汝梅建在縣西北二十五里同上

棗林在縣西北元致和元年上都兵破通州燕帖木兒與戰于檀子山之棗林敗之至正十八年山東賊田貴等攻瀋州至棗林敗元兵遂畧柳林通議甸檀子山或曰縣境小阜也方輿紀要

柳林在縣西元至元十八年如瀋州又如柳林是後以柳林可游畋之地建行宮于此同上

至正十五年三月毛貴犯瀋州至棗林樞密副使達國珍戰死遂畧柳林元史順帝紀

毛貴畧柳林劉哈喇不花時為同知樞密院事奉詔以兵拒之戰于柳林大捷貴眾悉潰退走元史本傳

天順七年四月新建弘仁橋成橋在南海子東墻外舊名馬駒橋水自城西南經南海子出歲以木爲橋水漲卽衝去往來者病涉上憫之發帑金數萬改建石橋因命閣臣李賢陳文彭時往觀焉賢言工役浩大莫若用軍士一月人給銀一兩則力齊而工易完從之橋成改名弘仁命賢爲碑記

實錄

李賢勅建弘仁橋碑記都城之南一水橫流於夏方其源由兌而坤而離四來沮洳會而爲河至巽乃大有一津焉在南苑之左去城四十里凡外郡畿內之人自南而來者東西二途胥出此渡車之大而駕者小而挽者物類之馱者人之有肩負者騎者步者紛紛絡繹四時不休有力者每歲爲駕木橋然寒沔之際

不免涉水况秋夏漲卽有覆溺艱阻之虞而人之病涉莫此爲甚天順癸未春皇上聞之惻然軫念曰此先務也尚可緩耶乃命創建石橋凡百所需悉出內帑而一毫不干於民應用工役皆以白金傭之聽其自願而不強也十日興造人皆踴躍歡欣爭趨効力不知其勞而木石灰鐵之類率以萬計不督而集橋長二十五丈廣三丈爲洞有九以灑水爲欄於兩傍以障田者精緻工巧無以復加增岸於南北以防衝突爲寺爲廟以資維護經始於是歲四月十五日訖功於十一月初一日總其事者內官監太監臣黃順臣黎賢董其工者工部右侍郎臣蒯祥臣陸祥告成之日上賜名曰弘仁橋乃命臣賢爲撰碑記用示

永久臣聞古先聖王之治天下也以不忍人之心行不忍人之政紀綱法度細大具舉而於橋梁道路未嘗不留意焉觀夏令所謂除道成梁月令所謂開通道路可見矣是以利澤及人如天地之於萬物無有不足其分者恭惟皇上復位以來夙夜孜孜躬理政務惟恐一民不得其所出一令也必順于人心行一事也必合於天理真無異於古先聖王之用心矣今以一津乏濟罰之惻然是卽不忍人之心也爲建石橋以便往來其自不忍人之政也名之曰弘仁蓋弘者廓而大之也仁則不忍人之政也是橋之建信乎能弘其仁矣然歷年之患由此而弭無窮之利由此而基又非三十一歟嗚呼一橋之利尚不遺焉

况六六此萬萬者乎由是以知皇上擴充仁道被於四海而利澤及人之廣信如天地之於萬物矣故宜大書而特書也旣爲之記復系以詩曰大哉元后作民父母民之休戚同其安否所以先王發政施仁憂勤惕勵罔或因循仰惟我皇博施濟衆視民如傷惟樂與共大綱小紀乃舉乃張有或遺者於心則惶都城巽方有水病涉惻然興懷務遂所愜不惜內帑爲建石橋工役之費民無秋毫易危而安利澤惟久億萬斯年厥跡不朽古懷集

出左安門東行四十里石橋五尺曰弘仁橋橋東碧霞元君廟西向臨橋元君祠在北京日加廣麥莊橋北曰西頂草橋曰中頂東直門外曰東頂安定門外曰北頂

盛莫如弘仁若歲四月十八日傳是元君誕辰士女進香鳴金號衆四十里道相屬也帝京景物畧

碧霞元君者其說起于華山上有小石池水冬夏不涸因名之曰玉女洗頭盆附會者因謂玉女爲王母第二女又轉譌而爲太山至使嶽宗之神降若侍衛可笑也宛委餘編

覺華寺在縣西十八里真定公主請勅賜額灤縣志

灤縣西有延芳淀大數頃中饒荷菱水鳥羣集其中遼時每季春必來此弋獵打鼓驚天鵝飛起縱海東青擒之得一頭鵝左右皆呼萬歲海東青大僅如鵲旣縱直上青冥幾不可見俟天鵝至半空歛自上而下以爪攫其首天鵝驚鳴相持殞地燕山叢錄

遼每季春弋獵于延芳淀淀方數百里春時鵝鶩所集夏秋多菱芡國主春獵衛士皆衣墨綠各持連鉞鷹食刺鵝錐列水次相去五七步上風擊鼓驚鶩稍離水面國主親放海東青鶩擒之鶩墜恐鶩力不勝在列以佩錐刺鶩急取其腦飼鶩得頭鶩者例賞銀絹國主皇族羣臣各有分地遼史

統和七年春如蹕延芳淀十一年正月幸延芳淀十二年二月幸延芳淀十四年正月幸延芳淀十五年正月幸延芳淀十八年二月幸延芳淀二十年正月如延芳淀同上

又統和十二年正月幸延芳淀十三年九月奉安景宗及皇太后石像于延芳淀不言南京按統和四年十月

命皇族廬帳駐東京延芳淀是東京亦有延芳淀也北平古今此

瞭鷹臺在縣西南二十五里高數丈周一頃元時游獵多駐于此方輿紀西

至大元年七月築呼鷹臺于鄆州澤中發軍千五百人助其役元史

呼鷹臺元至大間所築也元人以鷹坊為仁虞院秩正二品使首相領之可笑如此穀城山房筆麈

打捕鷹坊萬戶府歲用喂養肉三十餘萬斤元史

舊臺在縣西南得仁務西遺址尚存長安客語神潛宮在縣西南二十里前代妃嬪從獵行宮也名勝志

隆禧觀原隰平行咽流苦淀映帶左右建元以來羽獵歲嘗駐蹕民庶觀羽旄之光臨樂游豫之有賴秋澗集

得仁務在瞭鷹臺東名勝志鄆縣得仁務有三大塚相望其西北有岡隆起岡首有

洞其中窅然深黑常有以燭入者行其許有瓷瓮貯油一燈熒熒然人間什物俱備試灑以藥則有矢外射其

人懼而出蓋遼金諸貴人塚也燕山叢錄畫眉冢在縣南五里相傳漢張京兆塋焉冢廟記

崔氏園亭在鄆縣南小安村邑人崔禮仕金為四鄉學諭金亡隱居于此作園亭盛植花卉以自娛元名人時

往游觀焉寰宇通志白河在鄆州東四里北出通州潞縣南入于通州境又

日下舊聞 卷二十一 三

東南至香河縣界又流入武清縣境達于靜海縣界石
元三十年漕司言通州運糧河全仰白榆津三河之水
合流名曰潞河元史

白河濱有長陵營馬頭店白浮圈曹家莊諸堤鋪皆運
河必經之道鄆縣志

泗河在鄆縣東四里即運河也四水會流故名泗河一
發源自塞外東流經密雲縣與潮河川合流注通州城
東北入白河即通州潞河也一自塞外西流入白羊口
經榆河下流沙河由順義南界至通州城東北入白河
即通州富河也一發源于昌平白浮村神山泉出西南
匯為西湖東入都城積水潭入宮牆太液池南至玉河
由東南大通橋迤東入慶豐等牌即通會河入白河

一自都城左安門外草橋流入南海子東出弘仁橋由
水南新河至張家灣板橋入白河總名連河亦名白河
長安客話

灤河在縣西一名新河自盧溝河分流至縣界析而為
三其正河為灤河東入白河其一為新莊河南流入武
清縣界其一為黃漚河東注馬家莊之飛放泊各去縣
十里方輿紀要

兩家店在縣東十二里官道所經也同上

景命殿在永樂店其西為保國慈孝華嚴寺護國崇寧
至德真君廟俱萬曆三十六年勅建為孝定皇太后祝
釐地也鄆縣志

明慈聖太后生于灤縣之永樂店事佛甚謹宮中稱為

九蓮菩薩每歲十一月十九日爲其誕辰百官率于午
門前稱賀長安百姓婦孺俱于佛寺進香祝釐享天子
奉養四十三年古今太后稱全福者所未有也菊隱紀

明神宗御製灤縣景命殿碑文朕惟帝王之興率本
毋德華渚洽陽鍾靈肇慶載之詩書炳乎盛矣朕以
眇躬御極三十五年仰憑慈訓方內又安深惟聖母
皇太后功德宏茂千古稀聞順天府通州灤縣永樂
店乃誕育之地淑氣所鍾宜有表章以示來許用是
躬承慈命量度經營中勅慈聖景命殿前門後閣繚
以周垣樹三坊於門外左爲保國慈孝華嚴寺右爲
護國崇寧至德真君廟爽闊宏壯足以昭地靈章濟

發稱聖母所爲篤念源本之意告成之日慈顏悅豫
朕志用寧爰勅中官守護仍各爲文勒石垂諸永久
以朕涼德寧敢方古帝王庶幾此地之無愧于華渚
洽陽則有聖母之烈在其垂裕將千萬年則景命亦
千萬年朕與內外共祗承之爲紀其事并系之詩詩
曰翼翼京邑溲水滌之璇源遠濬載奠坤維尊靈長
樂歡洽重闈絲綿景命百祿咸宜睠茲湯沐啟瑞集
禧周原廡廡寶殿攸基重門邃閣崇敞透迤仁祠左
拱靈宇右麗薨連棟接鳥革翬飛虹祥式闡慈念載
怡爰及薄海耀景咸熙聖母之德綏此蒸黎百千萬
禩永永無隳時萬曆三十六年戊申十月神宗實錄

日下舊聞卷二十七終

日下舊聞卷二十七補遺

京畿三

三河縣有延福寺 元崇國寺碑陰

成化間武清縣民家石曰與隣家碌碡皆自滾至麥地上跳躍相鬪鄉人聚觀以木隔之木皆損折鬪不可解至晚方息鄉人恠之以曰沈于汚池中以碌碡墜深坎相去各百餘步其夜碌碡與曰復鬪于池邊池上麥苗俱壞鬪猶不輟乍前乍却或磕或觸硜然有聲火星炸落三日乃止 馬氏日鈔

河西務萬曆中重築河隄有關使者米公萬鍾碑又有關壯繆侯廟記 黃圖雜志

米萬鍾重建河西務漢前將軍關壯繆侯廟記畧距

雍奴東北一舍而遙有關市焉以其在白河之西曰
河西務居然重鎮也故權部駐是市口舊有漢關侯
廟建自勝國一新弘治丙寅再新于萬曆丁丑至
辛亥夏潘霖爲虐隄潰侯之廟正當其衝樓廡雖壞
殿宇屹立如故殿右居民賴以存衆荷侯庇復謀所
以新廟而鳩工未集明年萬鍾來董關政益以奉錢
殿廡門垣丹堊相錯層楹外障可永無虞雍奴故隸
涿郡侯與昭烈帝張桓侯奮迹之區神貺宜先及之
其爲白河禦災捍患必然矣侯之封爵或由僞命或
後代追尊惟壯繆謚自漢主知侯所樂從故從之

關藁

元人海運始于丞相伯顏初伯顏平江南以宋庫藏圖

籍命張瑄朱清等自崇明從海道載入燕京後遂獻海
運之議江南之糧分爲春夏二運歲至三百萬餘石其
運道初自劉家港入海至海門縣界開洋月餘始抵成
山計其水程自上海至楊村馬頭凡一萬三千三百五
十里最後千戶殷引畧者又開新道從劉家港至崇明
州三沙放洋向東行入黑水大洋取成山轉西至劉家
島又至登州沙門島于萊州大洋入界河當舟行風信
有時自浙西至京師不過旬日而已明初亦歲運七十
萬石以給遼東及會通河成海運遂廢隆慶五年河道
潰決戶科給事中宋良佐請復海運時山東巡撫梁夢
龍極言可行謂海道多瀆猶陸地多岐海人行海猶陸
人行陸傍海而行非橫海而渡今踏出海道傍海居多

較元人殷明畧踏出之道尤屬穩捷遂以山東布政王宗沐為總河專司海運至萬曆元年以龍鬪傷七艘議罷禹貢山水考

朱晞顏直沽詩直沽風月可消愁標落燕山第一州細問花名何處出揚州十里小紅樓
自序詩尾聯以古句蓋滑稽也 鯨背吟

張以寧直沽詩野濼天低水人家時兩三雁聲連漠北魚味勝江南雪擁蘆芽短寒禁柳眼絨持竿吾欲往拙宦爾何堪翠屏集

釋來復燕京雜咏南風吹到運糧船萬斛香杭倍上年傳勅漕臺添氣力賜金多辦太平筵蒲菴集
洪武元年徐達等規取河北進攻直沽獲海舟作浮梁

濟師常遇春率舟師諸將率步騎夾河進元丞相也速帥眾禦海口望風大潰鴻猷錄

馬臻舟次楊村作前望同舟遠不分打頭風急御河渾蹇驢無力牽船纜行到楊村日已昏霞外集

昆田謹按今京東五牐轉運率用驢挽船誦馬虛中詩則在元已然矣

正統戊辰寶坻縣民周本家馬生角長二寸鬣剔壘奇普安禪師至温于三河作蓮宮寺道園學古錄

至正十九年納麟山海道趨直沽山東俞寶率戰艦斷糧道納麟命其子安安及同舟人拒之破其眾于海口元史

袁楠直沽口詩二水赴滄海客行殊未休漁舟維病

鶴歸棹起輕鷗雨重雲光濕天低樹色浮京塵今已
洗從此問菟裘清容居士集

張翥代祀天妃廟次直沽作曉日三義口連檣集萬
艘普天均雨露大海靜波濤入廟靈風肅焚香瑞氣

高使臣三奠畢喜色滿宮袍蛻菴集

袁桷朱窩楊柳青詩朱窩楊柳青自愛青青好亦如
遠行客相逢不知老清容居士集

漢安平相孫根碑遷雍奴令先施博愛威而不猛隸釋

崇禎十五年大盜蘇鳴秋結其黨斬時魁姜計民等聚

衆于寶坻之哩珠莊勢張甚時吾鄉高工部承珽知縣

事以計禽之縣境以安黃岡雜志

秦城相傳始皇所築李君虞詩惆悵秦城送獨歸者益

卽此地也蘄丘雜抄

李益送客還幽州詩悵悵秦城送獨歸蘄門雲樹遠

依依秋來莫射南來雁縱遣飛春更北飛李益詩集

崇禎十五年四月順天三河縣境內半空中忽墮一龍

牛頭而蛇身有角有鱗宛轉叫號於沙土中以水沃之

則稍止有司不敢上聞如是者三晝夜乃死烈皇小識

王鐸武清人兒時從比丘知惠所削髮爲僧旣而謝去

復爲氓事妖人林福福被逮處獄中又去鐸好大言背

左右疤痕一片似半月背下有七白子似七星股上又

有三黑子道逢雷蠻子觀其形貌異之贈以歌有云掩

身王禪方顯名里中由此號鐸爲王禪矣是後有蔡鎮

劉佐李倉等皆從鐸遊鐸立爲三十六傳頭招致衆姓

爲會或三二百人或四五百人衆五千餘人給以劄劄所書卽雷蠻子歌也詐言此屬孫臆畱下於是引其衆走房山小西天石經寺創起巍閣閣上以銅三百斤造彌勒佛一座佛後大書赤髮僧人王鐸已置蓮花三千六百瓣每瓣佛一尊已置龕五百每龕佛亦如之已置小石牌一座已又置石牌二座其一座大書天地三陽會首王鐸他皆衆男女名姓已造三陽殿一座中坐泥元王佛三尊旁列三十六天將鐸自稱鬼谷王禪三陽老祖封蔡鎮張坤劉保等三十六人爲三十六天將鐸乃著妖書名曰鬼谷王禪度赴龍華寶卷二本書辭多謫惟不可曉是歲萬曆己卯也張坤見黨日增恐事覺至東司房以實告東司房因劾奏其事逮捕鐸等就吏

獲妖書入違洪物詔下鎮撫使鞫問辭服論罪萬曆武功錄

文皇帝定鼎幽薊嘗海運米七十萬石至直沽交卸以實京儲故海運編存



日下舊聞卷二十八

京畿四

霸州

文安

大城

保定

霸州在府南二百一十里

明一統志

霸州本秦上谷郡地

太平寰宇記

漢屬渤海郡後漢屬廣陽國河間郡晉屬燕國章武後

屬河間燕郡

輿地廣記

後魏屬章武郡

方輿紀要

隋初屬瀛州大業初屬河間涿郡

清類天文分野之書

唐初屬幽州天寶初屬范陽郡五代石晉時入于契丹

方輿紀要

周顯德六年夏四月庚寅韓通奏自滄州治水道入契丹境柵于乾寧軍南補壞防開游口三十六遂通瀛莫



辛卯上至滄州即日帥步騎數萬發滄州直趨契丹之境壬辰至乾寧軍契丹寧州刺史王洪舉城降丁酉至獨流口泝流而西辛丑至益津關契丹守將終廷輝以城降自是以西水路漸隘不能勝巨艦乃舍之癸卯入瓦橋關於是關南悉平通鑑

五月以益津關為霸州割文安大城二縣隸之地望為中州五代會要

發濱棣丁夫數千城霸州命韓通董其役辛亥以待衛馬步都指揮使韓令坤為霸州都部署通鑑

益津關本幽州會昌縣唐天寶中改永清縣續通典宋景祐元年省永清縣入文安徙文安縣為州治皇祐元年仍徙舊地九域志

遼高勳為南京留守宋畧地益津關勳擊敗之遼史

政和三年陞永清郡靖康初入于金天會七年置信安軍屬河間路貞元二年屬中都路元屬大都路清類天文分野之書

明初以州治益津縣省入仍曰霸州方輿紀要

州以霸水名郡縣釋名州城舊傳燕昭王所築名勝志

霸城宋將楊延朗修葺以控契丹當時號為北方重鎮沿城有七十餘井亦延朗所鑿謂之護城井長安客話

景泰五年四月修霸州土城實錄州舊有土塘蓋金元時所築弘治中始磚甃北面正德

中復修完三面嘉靖十九年增修城邑考

城高三丈五尺周環六里餘堞一百五百一十有二城
下濠深一丈二尺廣七尺門三東曰臨津南曰文明北
曰瞻極北甕城門曰迎恩東曰旭升南曰向離西不設
門而樓其具焉霸州志

州治在城西隅洪武庚戌建儒學在州治東元初建皇
慶三十年置瞻學田有碑同上

王思誠重修廟學記爲政之道其所始在於厚風俗
厚之本必由于學校是以教隆於上則俗美于下
理之必然也百里之邑千里之郡推而至於天下豈
異是哉國家崇儒重道內立監學外而郡邑皆設學
官誠以風化之所係也人才之所出也至正十一年
春奉訓大夫兗州王公從善來守霸郡視篆之初即

拜謁先聖廟見其墻垣廢頹爲舍罔有講習無所施
廼顧瞻太息謂學正孟之晉曰學校不治則風俗何
自而易移人才何由而作興豈非承流宣化者之責
歟於是令民子弟之俊秀者卽入學肄習權葺一室
使之受業公首捐俸金以作新學校而謀於同僚同
僚僉允亦各捐俸以助民之好義者効其力不日而
得錢若干緡遂市瓦木重修講堂三間翫建東西齋
舍十有二楹築墻周圍務以堅固改月而功畢上不
廢于公帑下不擾于民庶昔也荒蕪如彼今也輪奐
若此使師生有所依教養有所設將見風俗淳美人
才輩出公之承宣德意可謂知所本矣公前任松江
府推官治獄明恕平反甚衆人人誦其廉明自南而

來者口不絕稱今公之守霸郡甫下車善者趨而迎
奸者畏而遁革弊起廢號令一新士庶歌于途農民
樂于野修堤堰一十八里及南北兩關橋道井井有
法民之感戴其此已乎之晉以狀來盛稱公念念不
忘于學校不可不記其事壽于金石俾異時爲政者
有所取法幸爲之記余聞而趨之則復之曰昔文翁
治蜀至今聲名照映簡冊者以爲治之有所本也王
公以學校爲先其文翁之心哉余亦有說焉興作學
校固郡守之職然典教者能以守之心爲心則教養
可期其效苟非其人則亦徒爲虛舍爲守者能不憾
歟今之晉乃鄒國公五十二代孫德性純厚文學克
裕則教養之施公可無憾矣公字仲祥世居兗之滕
村性鯁直決疑剖事無留難此特記其政事之大畧
爾當有執史筆者詳書之至正十一年立石

州城南十五里宮家莊舊有益津書院元時宮君祺建
翰林學士黃潛記之萬曆初如臯錢藻備兵霸上移建
城內卽公館一區加勦聖焉仍扁曰益津書院

長安客話

黃潛宣聖廟學記霸州之益津人宮君祺卽其西鄉
所居宮哥莊作學舍合韓謝莊子弟肄業其中且爲
廟像先聖先賢以春秋且望奠謁如學宮法念無以
示永久爰狀其事走京師請奎章閣侍書學士內翰
虞伯生爲之記公方有大論譔未暇如君祺請乃以

狀授潛俾執筆而書之潛惟古之施教民有本有原必由鄉以達於國是以六鄉之吏去民愈近者爲教愈詳一歲之中州長之屬民讀法者四黨正七族師十有四而閭胥則無時焉若夫二十五家之間則又有門塾而以仕焉而已者爲之左右師雖閭胥弗親也故上之教不煩而民之爲士者恒足賴其詩曰攸介攸止烝我髦士人生其時獨何幸歟今郡邑用著令旣咸得立學承宣德意而崇厲之厥有師帥而鄉閭之教希濶弗講雖朴茂之資何以培其根而達其枝也哉君祺不自耀其材以取顯仕而主昌平之侯館固非有長民者之責乃能汲汲焉圖所以私淑其人如此可謂有志于古矣昔者魯修泮宮而春秋

不書說者曰此有國之常事爾君祺之爲益禮之以義起而出於常事之外者也可無書乎凡勸學總爲屋十餘楹費錢若干緡經始于至順二年春二月而落成于秋八月翰林直學士趙公子昌與君祺居相望實有以相之其來請記則冬十有二月也至順三年立石

黃文獻公集

益津廢縣今州治也

方輿紀要

州城東北隅有瀦水故益津縣治也廣三里許中東岳祠武廟時巨璫張忠所建廟東水曰鹽厥河每歲水泮輒有水鳥千羣容與其上

霸州志

霸臺舊在州署後圃其後改題于州治左譙樓之臺

長安客話

瓦河水在永清縣西南三百步 太平寰宇記

瓦河與城南之沙河二河合卽五渠水也俗謂之長鳴 名勝志

城南沙河與唐河合流處俗呼飛魚口卽漁津窪也 一名五渠水又名長鳴水 長安客話

後魏延興初文安縣人孫願捕魚于五渠水有羣魚自西來共以柴塞之忽有人謂願曰須臾當得大魚若欲多求宜勿殺也願下網果得大魚狀如鯉而頭大殺食之俄風雨晝昏唯聞鳥飛聲比風息雨霽有人乘船至云見羣魚無數飛入于海願遂不復漁矣因呼入海之處爲飛魚口也 三郡記

王樂善五渠晚渡詩野潦浮平楚扁舟續馬蹄揚舲

風漸緊落日望全迷林嶼漁燈出天空雁陣低叩舷

歸意嬾情興屬幽栖 扣角集

引馬洞楊延朗所穿始自州城中通雄縣 名勝志

州舊有神霄宮在州治之南丁真人嘗居之 長安客話

霸州酒務四熙寧中權三萬貫 熙寧酒課

澄清街舊有酒樓元華亭管訥爲學正有東城酒樓花

滿煙之句今廢 霸州志

宋端拱二年詔置榷場于霸州便南北界貿易 同上

契丹馬三萬餘匹歲牧于雄霸間謂之南征馬意欲夸

示中國實備燕雲緩急之用 謀夏錄

巨馬河舊在州北宋界河也自保定府雄縣流入 方輿

紀要

霸在宋時蓋與遼分界處若今靖邊諸城一垣之外即敵境也州北一里舊有界河相傳楊延朗建草橋于此關因以名 長安客話

塘灤緣邊諸水所聚因以限遼河北屯田司緣邊安撫司皆掌之而以河北轉運使兼都大制置凡水之淺深屯田司季申工部其水東起滄洲界拒海岸黑龍港西至乾寧軍沿永濟河合破船淀灰淀方淀為一水衡廣一百二十里縱九十里至一百三十里其深五尺東起乾寧軍西信安軍永濟渠為一水西合鷺巢淀陳人淀燕丹淀大光淀孟宗淀為一水衡廣一百一十里縱三十里或五十里其深丈餘或六尺東起信安軍永濟渠西至霸州莫金口合水汶淀得勝淀下光淀小蘭淀

子淀大蘭淀為一水衡廣七十里或十五里或六里其深六尺或七尺東北起霸州莫金口西南保定軍父母砦合料淀廻淀為一水衡廣二十七里縱八里其深六尺霸州至保定軍並塘岸水最淺故咸平景德中契丹南牧以霸州信安軍為歸路東南起保安軍西北雄州合百水淀黑羊淀小蓮花淀為一水衡廣六十里縱二十五里或十里其深八尺或九尺東起雄州西至順安軍合大蓮花淀洛陽淀牛橫淀康池淀疇淀白羊淀為一水衡廣七十里縱三十里或四十五里其深一丈或六尺或七尺東起順安軍西邊吳淀至保州合齊女淀勞淀為一水衡廣三十餘里縱百五十里其深一丈三尺或一丈起安肅廣信軍之南保州西北畜沈苑河

為塘衡廣三十里縱十里其深五尺淺或三尺曰沈河
泊自保州西合雞距泉向泉為稻田方田衡廣十里其
深五尺至三尺曰西塘泊

宋史河渠志

淳化四年春詔六宅使何承矩等督戍兵萬八千人自
霸州界引滹沱水灌稻為屯田用實軍廩且為備禦焉
同上

往歲六宅使何承矩議因陂澤之地瀦水為塞欲自相
度恐其謀泄日會僚佐泛船置酒賞蓼花作蓼花遊數
十篇因命座客屬和書以為圖傳至京師人莫喻其意
自此始壅諸淀慶曆中內侍湯懷敏復踵為之至熙寧
中又開徐村柳莊等淀於是自保州西北沉遠灤東盡
滄洲泛枯海幾八百里悉為滸潦其濶處有及六七

里者至今為藩籬而澱淤之處皆變斥鹵為美田而魚
蟹菰蒲之利人亦賴之

夢溪筆談

泰定三年都水監言河間路水患古儉河自北門外始
依舊疏通至大城縣界以洩上源水勢引入鹽河古陳
玉帶河自軍司口浚治至雄州歸信縣界以導淀灤積
潦注之易河黃龍港自鑠井口開鑿至文安縣玳瑁口
以通灤水經火燒淀流轉入海計河宜疏者三十處

元史河渠志

巨馬河自蘆溝河分流經固安縣過州治北東合白溝
河後徙流州治西會霸水至直沽入海今霸水淤塞巨
馬琉璃諸河復合流經州治北東入東安永清縣界

方輿紀要

成化七年十一月霸州知州蔣愷固安知縣賈貴奏霸
州城北古有草橋界河一道上接渾河下至小直沽順
流東注于海永樂間渾河改西南流道經固安新城雄
縣沿至霸州新河一帶水勢不順漸已淤塞累衝決為
居民患近日決孫家口東流入河又東抵三角淀小直
沽入海乃其故道請因其就下之勢修築隄听使順流
注海上從之憲宗實錄

琉璃河在州西北五十里自良鄉縣合上流諸水東南
流入州界會于巨馬河方輿紀要

沙城堤西至臨津固安縣界白廟東抵青口永清縣界
信安縣巨八十里明洪武中知州梁伯常築萬曆甲戌
副使錢藻增修霸州志

楊貞晚至青口作長年困行役短髮易飄零世事驚

春夢交親散曉星燒痕侵路黑柳色夾隄青落日明

霞底原情動鶴鷄還山遺稿

沙城臺山二村皆平壤也土人語云臺山無山沙城無

城臺山村在州東長安客語

普濟寺在州東門外至正二年建霸州志

栲栳園在州東十五里隆慶戊辰建安濟橋同上

會同河在州東十八里上接玉帶河下至蘇橋衆流至

此合而為一所謂苑口秋濤也景泰癸酉建苑家口關

弘治甲寅知州事徐以貞造舟三十艘聯以鐵索上布

以板隨水升降以通輿馬同上

苑家口洪濤彌望無際或謂之夾河方輿紀要

夾河源自上谷涿鹿山合胡良河至州界

通濟河由苑家口達栲栳圈經關王堂山川壇折而北

入護城河蓋逆流也每秋潦溢舟楫直抵城下霸州志

橫堤在城東十八里南抵苑家口北抵栲栳圈西來諸

水至此壅阻飲入會同河河口狹流卒難速泄致上源

為久副使顧襄議盡決此是以殺水勢使回臺山注信

安或阻之乃止同上

臨津汛自源州東境接固安揚先務荆堽至州之趙家

務臨津經州南關抵苑家口縣延百里弘治戊午知州

事劉珩築同上

普和寺在煎茶舖城東二十五里堤自劉化營經州城

北抵信安鎮知州毛寶塔築同上

平曲城在縣東三十二里漢景帝封公孫渾邪為平曲

侯即此地太平寰宇記

平曲侯公孫渾邪以將軍擊吳楚用隴西太守侯漢書

平曲城公孫渾邪卒塋于此俗名花達墓在霸州東二

十五里長安

莫金山口城漢封公孫渾邪為平曲侯即其地九域志

莫金山相傳以莫金二姓居此而名宋設莫金山寨于

此俗名口頭村方輿紀要

桃花寨去莫金山五里元混一方輿勝覽

州東二十里曰臺山九河水所經也臺基三如鼎峙又

五里曰雁頭山名勝志

雁頭山在州城東南三十五里明一統志

宋有劉家渦刀魚莫金口阿翁雁頭黎陽喜渦鹿角八
砦政和三年改劉家渦砦曰安平阿翁曰仁孝雁頭曰
和寧喜渦曰喜安

宋史地理志

馬黎隄在城東四十里田家口由棘針墳至信安鎮

州志

信安城宋之信安軍也

名勝志

城在州東五十里唐置淤口關後沒于契丹周世宗收

復置淤口寨

方輿紀要

太平興國六年以霸州淤口砦建破鹵軍景德二年改

為信安

宋史

信安軍砦六周和軍西五里刀魚軍北三步田家軍東
一十里狼城軍東五十里佛聖渦軍東五十里李詳軍

東六十里

九域志

元豐四年割鹿角砦隸信安軍

宋史

金初因宋為信安軍大定七年降為信安縣隸霸州

全

史地理志

興定四年張甫封高陽公以雄莫霸州高陽信安文安

大城保定靜海寶坻武清安次縣隸焉

金史本傳

元光元年移刺眾家奴移屯信安張甫因奏信安本臣
北境地當衝要乞權改為府以重之詔改信安為鎮安
府二年眾家奴及張甫同保鎮安各當一面遂全鎮安
未幾眾家奴奏鎮安距迎樂垵海口二百餘里實遼東
往來之衝高陽公甫有海船在鎮安西北可募人直抵
遼東以通中外之意賞不重不足以使人擬應募者遷

忠顯校尉仍賞錢五千貫詔從之

金史本傳

張仁義金末徙家益都元太宗下山東仁義乃走信安

時燕薊已下獨信安猶為金守其主將知仁義勇而有

謀用之左右國兵圍信安仁義率敢死士三百開門出

戰圍解以功署軍馬總管守信安踰十年度不能支乃

與主將舉城內附

元史張禧傳

楊傑只哥從河木魯攻信安信安城四面阻水其帥張

進數月不降傑只哥曰彼恃巨浸我師進不得利退不

得歸不若往說之凡三往乃降

元史本傳

文信國被執北行次信安館人供帳甚盛信國達旦不

寐題詞于壁調寄南樓令詞曰雨過水明霞潮回岸帶

沙葉聲寒飛透牕紗懊恨西風吹世換又吹我落天涯

寂寞古豪華烏衣又日斜說與燕入誰家只有南來

無數雁和明月宿蘆花或云此鄧光薦詞也

詞苑叢書

元時府縣俱廢

方輿紀要

信安軍有永濟渠宋咸平中置塘樂以為邊備今廢

同上

南山在霸州城東七十里松修竹周匝十里內有亭

臺為一郡之勝

明一統志

高橋淀在州東七十里周三十里西為栲栳圈眾流所

聚也州壤界下西北諸山之水多滙于州境然後東流

出丁字沽注白河以入于海弘治中築河隄起涿州東

境接固安至州境之趙村務臨津水口經州南關長三

百餘里傍植榆柳以為固其間為水口一百六十有七

至文安縣之蘇家橋大城縣之辛張口而止今多崩壞

方輿紀要

回淀水東西二十七里南北八里霸州至保定軍沿塘

岸行其水最為淺狹凡此一地方輿勝覽

楊應詢知霸州塘灤之間地沮洳水潦易集居人浮板

以濟應詢增隄防為長衢濬其旁以泄流民利賴之宋

史本傳

丁罕穎州人淳化中知霸州河溢壞城壘罕以私錢募

築民咸德之萬姓統譜

移利益為霸州刺史郡東南有隄久頽圮水屢為害益

增修之民以為便金史本傳

狼臧城去信安城三十里又十里為折城宋將楊延期

屯兵拒契丹于此名勝志

大良驛在州東八十里方輿紀要

古南關城圖經云趙武靈王所築以朝鮮有關城故此

云南關城大城志

沙河在州南與瓦河唐河合流而東蓋九河之水匯流

于安州雄縣之界溢而東出者也方輿紀要

宣德六年二月順天府李庸奏永樂中決新城縣之

高從周口衝激泥沙遠已淤塞霸州桑園里朱家莊張

貴莊約四里餘每年水漲無所通泄湧漫倒流北灌海

子凹牛關佃等處其地不得耕種請量役民丁修理從

之實錄

霸水在川南三里白溝河之支流也自雄縣流入境東

下書

卷二十八

三

會于巨馬河今堙廢 方輿紀要

霸去都近去海亦近凡雲朔恒代諸山之水由天津入海者必經流霸出丁字沽總稱霸水 長安各語

口外諸山之水自京西盧溝橋而下經固安永清至于信安滙于三角淀達于声沽入于海良涿九川之水會于胡良河自楊家務而下經北樂店東過辛店至于信安此霸州以北之水也宣府紫荆白溝諸水自新城而下滙于茅兒灣經保定玉帶河達于苑家口至于信安直沽入于海易安苑肅唐蠡九河之水自雄縣而下東過茅兒灣入于苑家口山西五臺之水自河間而下經任丘滙于五官淀亦入于苑家口此霸州以南之水也南北二川東狹汙淺堤岸蕩蝕不足以容萬派之流水

至則瀰漫無際溢入文安大城積為巨浸民不得耕而之之法不以壅而以導不先于决口而始于下流按正法之上有大淀有小淀有三角淀廣延六七十里深止四五尺若因而增益之又為之隄以停蓄眾水而以委輸于海水有所受然後濬治舊川為長隄以束之高廣倍于前功使水有所行又多開支河聯絡相屬使水有所分見在窪淀不下數十處各深而隄之使水有所積則雖有淫潦大川瀉之支河析之諸淀蓄之高隄防之可以無患矣 潞水客譚

王世貞霸水夜泊詩高帆去不極天際見人家繫網青楓樹藏身白荻花迴風喧雁鷺隙日出魚蝦亦有垂綸地兵戈敢自誇 介州山人集

漢光祿大夫周堪墓在城南二里元混一方輿勝覽

雙柳東西二寨相去十餘里

正德五年九月霸州劉六劉七齊彥名原係謀逆太監

劉瑾門下瑾敗遂糾賊眾流劫地方後又增入楊虎趙

鏊號趙風子劉惠等共二十五名分爲二十八營共有

人馬一十七萬五千各授偽官張打奉天征討元帥旗

幟上以金書聯對云虎賁三千直抵幽燕之地龍飛九

五重開混沌之天又于老營以大紅綵緞書英雄吞海

嶽氣勢轉乾坤攻破州縣幾二百殺死總兵馮禎參將

王某都指揮王保詹濟潘翀周知郁采指揮知縣雜職

數十員姦姪婦女磔克殘不可言也所過獄囚卽六

爲賜庫藏兵甲卽取爲用又每題詩各地有平欺敵者

虎擒羊縱橫六合誰敢捕又有幾回月下敲金鐙多少

英雄喪膽寒之句大畧劉六劉七齊彥名等多在河南

湖廣而劉惠趙鏊楊虎多在河北山東彼此間奔走直

至山西南直隸方絕時七年冬矣楊虎劉六劉七爲水

滄死齊彥名陣亡劉惠射傷自焚獨趙鏊僧服逃至江

夏生擒嗚呼擾亂六省延踰二年豈非數也哉七修類

稿

文安縣在州城南七十里明一統志

文安漢縣屬渤海郡東漢屬河間國和帝二年置瀛州

以縣屬焉清類天文分野之書

晉泰始元年分瀛州之東平舒文安章武東州置章武

國縣在古文安城至後魏太平十一年置瀛州以統之

武縣遂歸瀛州北齊廢章武入文安隋大業七年征遼途經於河口當三河合流之處割文安平舒三邑戶於河口置豐利縣隋末亂離百姓南移唐貞觀二年以豐利文安二縣相逼遂廢文安城移文安名就豐利城文安縣即今理也 太平寰宇記

唐初屬瀛州景雲二年屬莫州周顯德六年屬霸州 九域志

宋景祐元年省永清入文安移州治于此皇祐元年復徙治故地 清類天文分野之書

金大定中徙州治益津以縣屬焉 方輿紀要

元屬霸州明因之 清類天文分野之書

文安潭名潭在縣北一十五里 郡縣釋名

燕王旦發民會圍大獵文安縣以講士焉 漢書

漢縣令趙葵創建土城明正德九年知縣事王鼎重修翰林院侍讀李時撰記 文安縣志

李時修城記正德辛未河北盜起標掠諸州縣文安茶毒最甚坐城之廢故也歲癸酉齊東王君來尹是邑顧而嘆曰民保于城城關于令城之廢民不能生矣乃集耆老論之并方交作興役于甲戌三月閱明

年乙亥秋訖工焉城周延九里列雉堞建樓櫓題其門南曰來薰北曰拱辰東曰迎恩西曰永定南是文

安之民欣欣焉賴以無恐君名鼎字公實相是役者縣志 景沂也 薇花堂集

張茂者文安縣大盜也家有高樓列屋深墻密室招集

亡命劉宸劉寵齊彥名李隆李鏡楊虎朱千戶等又納賂于豹房諸近侍太監張忠者號北墳張居與茂通茂結之爲兄因得徧賂馬永成于經谷大用輩遂出入禁中嘗侍上蹴鞠倚是益無忌憚庚午春夏間河間叅將袁彪數敗茂及諸賊茂君乃求救于忠忠置酒私第招彪與茂東西坐舉酒屬彪彪字茂曰此彥實吾弟也今後毋相扼又舉酒屬茂曰袁叅將今日與爾一而之好爾今後無寇河間彪畏忠不敢誰何既而都御史竇梟欲擒賊立功有主簿李爲巡捕承梟意僞作彈琵琶伶人入茂家且知鄉道梟率賊數十人乘其不備入擒之梟折茂股車載以俘餘賊相率至京謀出首寃罪忠與永成爲之請于上且曰必獻銀萬兩乃救之寵宸計一

所出潛令楊虎劫近境冀以足所獻會虎焚官署寵宸知事敗乃逃去其徒日多叅將桑玉受其賂不肯力攻嘗相遇于文安村中寵宸匿民家樓上欲自到玉故緩之有頃齊彥名持大刀脅官軍敗衄者數十人至樓下彥名曰呼諸敗軍皆呼名曰救至矣寵宸遂彎弓注矢以出射殪數人玉大敗引還時辛未六月也及都御史馬中錫奉命討之中錫家在故城懼賊殘其墳墓乃爲招撫之計嘗與賊會飲于桑園時已有詔旨劉六等不赦又懸賞格募能斬之者中錫酒中許以不殺宸曰無多言吾已知朝廷不赦吾輩矣中錫曰無之宸言旨于袖中拂衣挺刃而去蓋京師動靜悉先知之以貂璫爲之與主也

武宗實錄

縣治元皇慶元年知縣事李祐修建明洪武初縣丞鄧士龍重修儒學剏自宋大觀八年元皇慶中知縣楊潤李祐重建泮池東北壁有大觀碑宋茂宗手蹟也縣志尙野重修文廟記文安廟學貞祐甲戌金主南渡焚蕩殆盡僅存大觀八行之所再歷周宋遼金祚終皇元受命肇開貢舉優復中選草昧漸革世祖潛藩賓禮師儒務先學校至元三年勅上都建孔子廟川敦化源四方萬里莫不知所振厲黽勉從事文安近在畿內無以應德意二仲釋奠卽其故基表以草幕苟簡不恭觀者惻然八年辛未縣設教諭以邑儒董君榮爲之董君素有興復議而病未能也卽言于縣以國家方事襄樊爲平宋張本不獲所請庚辰以屋賃

錢合若干緡伐木湯川往返千里三歷寒暑衆材始聚瓦甃釘礎黝堊丹漆各輸所有以後爲耻十日其吉工力並作不期月禮殿四楹鼎宏敞覩深先聖先師十哲像設顯嚴章施可徵如一大府惟從祀之室大成之門經畫井井未克備舉所謂在易之地力盡而休今復七歲矣其在官者主簿姚元縣尉張瑛縣尹楊潤今縣尹李侯佑相繼而輔成之二十八年兩廡翼翼繪像七十二子明年大門言言清靜董君旣沒子道清學正係禎教諭承其事如君存焉大德辛丑後以講堂前以櫺星至大四年以雀育廡瓦易版以甃初講堂有關至是戶牖端朗階址堅整燦然一新李侯佻來謂余曰文安廟學之廢荆棘瓦礫者

六十年董君父子祖孫勤苦四十餘年卒成盛事詩
文勒諸石永資名教野既允佑之請且以廟學之本
告之曰古者民以君爲師書曰若有恒性克綏厥猷
惟后孔子雖無其位而綏猷修道之統不忍絕也冊
定贊修之後理寓於六經六經卽天天卽聖人故自
天子以至庶人無一不可以學孔子必反身思誠存
心養性得夫廟之制而不失其學之實非徒王安石
所謂近世法者也邑令與董君父子祖孫之成學廟
亦豈韓愈所謂不能修事者哉雖然學必久而後成
野喜其民牧學官之克協而將行又慮其始勤終怠
而不繼也因并附此以示無窮焉

靈集寺在莊頭村僧文淳撰記內有藏經閣閣後古檜

二株傳是漢時植 文安縣志

蘇家橋在縣東二十里當往來之孔道靖難初燕王自
固安縣渡巨馬河駐師蘇家橋卽此 方輿紀要

按蘇橋縣志謂蘇明允故蹟載詩云蘇公會
授文安簿河上蘇橋自昔傳然明允爲文安
主簿以修禮書授秩未嘗赴州也

火燒淀在縣東二十五里廣四十餘畝縣境有石溝柳
河急河三水皆聚流于此東入衛河達于直沽元志河
間府境有黃龍淀自鎖井口開鑿至文安縣玳瑁口通
灤水經火燒淀轉流入海今堙廢 方輿紀要

樂巨叔墓在縣東南二十五里樂毅伐齊後從燕入趙
毅生間間生巨叔毅封昌國君至漢高祖求毅之後封

巨叔爲華城君卒葬于此

太平寰宇記

元平章政事王伯勝墓在縣治東南二十五里岳村墓道有碑

文安縣志

唐御史董育墓在城西南安祖店萬曆初土人掘得墓石乃裴晉公撰文

同上

相公莊唐工部尚書張仁憲故里有神道碑在莊北其東南道左有相公祠

同上

唐張仁憲神道碑幽州節度掌書記李儉撰幽州節度叅軍蔡陵八分書并篆額仁憲字仁憲官至太子中允其孫仲武爲盧龍節度使追贈仁憲爲工部尚書碑以大中二年立在文安縣

集古錄目

李儉撰光祿大夫太子中允贈工部尚書清河張

公神道碑銘天垂四序所以表歲成之功德別九州所以分代天之治寒燠之運行叶度河岳之感應有期是故體五常而承五福贊九德而著九功盛業克著於旂常佳名攸傳于寰宇素行蘊蓄於至德積行必貽於後昆傳曰明德若不當代其後必有達人富哉言乎有大唐工部張公孕靈有道之邦懷抱縱橫之畧宏圖推於一德奇表出於萬人操筆運六體之工彎弧倍六鈞之力輕財重義急病攘敵然諾信於友人賙給行於州里不以一隅自束不以一節自持情懷久約常從結駟之遊座列嘉賓遍受脫駟之惠視公家之祿於我如浮雲顧金玉之藏比之於織芥居如列譽若置鄙語默臚時浮沉自樂僂俛從事

道遙不羈嘗仕本州歷居右職貞元初勅授銀青光祿大夫太子中允四年薨於昌平縣之官舍春秋七十有五旋窆於文安縣之西北安樂鄉原夫人扶風郡太夫人魯氏左廂兵馬使太子詹事福之女行符箴頌禮具蘋蘩後公二叔重年而沒至是祔焉禮也公諱仁憲字仁憲其先清河人五世相韓文成見稱於漢代三臺輔晉壯武克大於當時昭彰四表厭飫八極祖諱爲瀛州刺史封清河伯遂家於燕王父諱佐明宣威將軍幽州和政府右果毅都尉烈考諱元皎宣節校尉幽州潤德府折衝都尉奕世載德克虞前修輝華闕閱之門錯綜崆峒之秀元子諱神寂無祿早亡嗣子諱光朝冠軍大將軍行左威衛大將軍

檢校國子祭酒遷兵部尚書訓導義方學該典禮出則推鋒敵居則筦籥鈴珠殿嘗館於五千鐵衣時驅於十萬勲銘彝器譽冠縉紳銀黃坐致琴筑自娛膺福履以樂天坦襟懷以卒歲積慶乖範高朗令終誕生元臣爲國巨鎮嗣子諱仲武今幽州盧龍節度副大使知節度使兩番經畧盧龍兼元招撫迴鶻等使銀青光祿大夫檢校司空同中書門下平章事兼幽州大都督府長史蘭陵郡王食邑三萬戶星辰降祥而秉政清熙帝圖立言而金玉王度嚴干戈以衛社稷推彖象以究天人側席求賢勞心致理歷階清級夙奉鴻私洎受鉞專征登庸任相和羹鼎鼐圖治六卿之先爲國幹楨論道三臺之列實生靈之藻鏡爲

明主之腹心伯氏諱仲斌薊州刺史永太軍營團練
等使檢校工部尚書光祿大夫繼續家實蟬聯國禎
黃霸爲列郡之雄關羽乃萬人之敵相國有子曰宜
方國子祭酒兼御史丞薊州有子長曰得輔國子祭
酒兼侍御史次曰得平兼監察御史審州司馬敬鉉
幽都主部敬殷幽州叅軍洎長房有子曰沛早亡琇
兼監察御史有孫曰惠連兼殿中侍御史皆珪璋特
達冠蓋相望丹青兄紹於形容蘭菊聯芳於英華所
謂勲業卓冠儒史名家穆然清風高視群品相認以
逮事逾遠聿修漸遙松楸旣行琬琰永勒景行安仰
思之罔寧是用伐石龜山建碑立隧以儉居其家嘗
窺舊史竊熟華宗授簡勒銘期於直筆盛德難名因

扣絃而常思墮淚設剛強繹媿貴絹而德媿受辛銘
曰自泮元黃卽垂載籍華宗上德奇謀異跡聞道赤
松受兵黃石道著昭晰慶流輝赫當塗代漢典午承
曹地分東西位列畀高爲郎署筆作宰操刀國儲俊
又代有英髦降及元魏清河是偶爲郡臨燕卜鳳戴
什公卿窟宅德義泉藪史不絕書士無虛口惟唐人
葉誕生尙書文章軌範禮義權輿揮金滿路載德盈
車清風穆若待價沽諸泳游道德蘊藉儒史力荷千
鈞名馳萬里不享眉壽不登貴仕道邁前修慶流後
嗣克生令子實日時英魁梧器宇性格恢宏爵位隆
重度量襟虛業惟匡國惟懷承圖持衡秉鈞杖鉞以
壯龜鶴齊年山河比量籍籍群從秩秩德音或臺或

閣如玉如金日星照地桃李垂陰雪霽崑岫花繁鄧
林著於梧檟刊之彝鼎金石既刻丹青重炳

石志

吉金貞

三角城在縣西北二十里石勒築以備燕

太平寰宇記

廣陵城在縣西北二十里與保定縣接界宋時聚糧于

此以守益津關

方輿紀要

文安有廣陵趙君神

魏書

趙夔漢武帝時為文安縣令好神仙值文安大旱乃自

焚土人感慕因立祠焉

圖經

趙君廟今名仙公堂在近郭莊

文安縣志

舊文安城寰宇記在縣東北三十里今柳河有古城正

當良隅即文安故城無疑矣上有漢縣令趙夔祠

同上

滹沱河水在縣西北三十里又東溢為趙淀

太平寰宇

記

今川原改易滹沱經縣東南不經縣西矣

方輿紀要

文安有狐狸淀

隋書

文安縣狐狸淀俗謂之掘鯉淀

隋圖經

按掘鯉之淀見左思魏都賦

安平砦在縣西北三十里宋置金廢

方輿紀要

武平亭在文安縣北七十二里今名涓城

括地志

史記趙世家惠文王二十一年趙徙漳水武平西二十

七年徙漳水武平南蓋是時漳水北入大河也

方輿紀

易水在縣西自保定縣流入境即沙河諸水下流也

同

南北盧蒲城在縣西二十七里齊侯放盧蒲癸于此城

魯昭公三年齊侯田于莒盧蒲癸見泣且請曰余髮如

此種種余奚能為公曰諾吾告二子歸而告之子尾欲

復之子雅不可曰彼其髮短而心甚長其或寢處我矣

九月子雅放盧蒲癸于北燕

春秋左氏傳

水紋淀在縣西宋起塘灤東自信安軍永濟渠西至霸

州莫金口合水紋得勝諸淀為一水今廢

方輿紀要

霸州苦水而文安形如釜底尤為諸水所滙其死家口

會同河與栲栳圈新挑河各東西相去約二十里北岸

屬霸州南岸屬文安各築高堤文安約六七十里霸州

約五六十里屹如長城累年有秋實賴于此但築堤愈

高壅水愈甚故議者謂京師之南水害以霸州文安為

之阻也

長安客話

大城縣州城南一百三十里

明一統志

大城本漢東平舒縣屬渤海郡

太平寰宇記

代郡有平舒城故加東地理志曰勃海之屬縣也

水經

後漢屬河間國晉於此置章武國後魏為章武郡北齊

廢郡為平舒縣隋開皇十六年於長蘆縣置景州以平

舒縣屬焉大業末劉黑闥兵亂河朔及吞郡縣唐武德

四年賊平縣屬景州貞觀元年州廢歸瀛州

太平寰宇

記

大城縣五代時置屬瀛州周顯德六年屬霸州輿地廣

宋金元仍舊明因之明一統志

正德七年知縣事石恩始築土城嘉靖中知縣全向貢張應武相繼甃以甃建門樓二隆慶間知縣趙德光補建二樓城周四里一十三步高一丈六尺為堞一千有九十四門東曰通和西曰安阜南曰明遠北曰恩光環以濠廣六丈崇禎六年知縣毛雲翰復增崇六尺大城縣志

縣治當城之中洪武元年主簿周自銘創置同上

學宮在縣治西金天會十二年縣令姚璧建元至正二十三年達魯花赤楊甫重建元末兵燬洪武間縣丞王

增復建弘治三年知縣張津重修增設講堂及光風霽月亭同上

金劉光國重修廟學記昔王仲淹遊孔子廟嘗歎曰大哉乎君君臣臣父子兄弟夫婦夫子之力也蓋夫子之道具於人心而著於君臣父子兄弟夫婦之倫其教具於六典而行於邦國鄉黨家庭之間自漢唐以至於今莫不知尊其道矣其道尊則其祀亦尊廟貌之崇垂之有永前哲之所以形於歌詠鐫於金石者豈無謂哉平舒公解之西孔聖舊宮在焉規制太陋瞻視未尊歲久而就圯天會十二年秋九月邑令姚公下車未久一日顧謂僚屬諸士子曰風化之地衰敝若此吾何以辭其責乎乃積良

材運堅甃集衆工以量度之上而殿廡下而庖廡莫不繕治而復賁之墁飾繚之垣堵煥然其一新矣余惟儒學之設明人倫育人才非徒美觀也唐虞三代之盛蓋有自來而秦火煨燼聖學秦蕪視學宮爲傳舍者衆矣昔范甯宰餘杭性質直好儒學風化大行於期年之後自中興以來莫之或先云今公加意學校可無愧於餘杭風矣然范公之崇學敦教者不止於修葺宮墻公之教平舒也豈無身先士類者乎其於聖經賢傳之大旨君臣父子之大倫禮樂刑政之大法講習討論於師友之間勇往奮迅洗濯刮磨務臻斯道之妙士習丕變與學宮而俱新庶不負夫子之教而造士作人之盛心愈久而不泯也於是乎書

元馬克忠重修文廟記皇宋呂蒙正作孔子廟碑云聖人之興也能成天下之務能通天下之志然不能免窮達否泰之數是故達而有位則聖人之道泰堯舜禹湯是也窮而無位則聖人之道否我先師孔子是也此時之所值雖殊而功之在天下萬世者則均爾昔者大道旣隱其風漸漓英靈始謝於衰周德教方隆於大漢闢邦家之正途播古今之彝憲百王取法千古師宗信乎夫子之道消息兩儀損益三代立三綱而垂五教正禮樂而辨中外其有補於生民而垂之萬世者蓋賢於堯舜而禹湯莫之過也郡縣各立學校以吾夫子爲宗而配之諸賢所以崇德報功

也自兵燹之後積有百年祀典衰而文教微平舒故
有文廟踽望漫汚瓦甃剝落廢毀殆盡至今三十三
年達魯花赤楊公宰邑下車之初躬謁聖廟視草莽
荒蕪之狀咨嗟瞻顧有感於中乃與其僚屬及諸士
夫謀曰聖廟未新文風未振尹茲邑者寧無愧乎於
是命工庀材規辦貲費相農隙誅茅茨即故基為築
垣墉自殿廡以至齋舍靡不聿新宏敞軒闕璀璨輝
煌視昔則加隆矣故崇祀有所而神得其依授教有
居而士安其業俎豆生輝儒林生色楊君功在庠序
亦備矣哉爰自經營之日不替月而落成蓋以候躬
親其事棖桷磚埴之類積儲素具無取給於民也宜
其成之速而公無廢務民不知勞也邑人張溫劉濤

等遵觀厥成而樂民之不擾懇余書於石以揚其美
乃從而銘之銘曰聖道昭彰兮儒風慶延崇彼廟貌
兮厥功茂焉雕甍畫棟兮金碧相鮮琢詞貞珉兮奎
壁星聯春秋致祭兮陳其豆邊人文宣朗兮億萬斯
年

大城北有子牙堽相傳以為太公嘗居此所謂北海之
濱是也河中有釣臺浮出烟波土人云常隨水高下雖
大浸不沒 燕山叢錄

縣北十里所民家耕牛生麟其地名麒麟窪 同上
鳳凰臺在縣東北十五里晉石勒四年鳳凰見于此因
築臺 太平寰宇記

黃汊河在縣東北八十里其上源即易水也自安次縣

分流入縣境又東北入武清之三角淀 方輿紀要

秦太子墓在縣城北六十里段隄村相傳始皇巡狩駐

驛于此值幼子薨因瘞之 城冢記

居民向太子冢祈禱無不應者俗呼為仙人臺 大城縣志

平陵城在縣東北一百一十里漢書蘇建封平陵侯即

此地也 太平寰宇記

滹沱河出縣北一百三十里 同上

永濟渠在縣東五十里 同上

興寧寺在縣東南十五里白楊村唐貞觀年建明成化

中重修 大城縣志

唐靳夫人墓在城東南十五里兖州長史靳恩室也墓

石尚存 名勝志

章武故城在縣南四十七里漢置縣屬勃海郡武帝封

竇廣德為侯邑仍屬勃海後漢魏因之晉屬章武國後

魏屬浮陽郡又析置西章武縣屬章武郡高齊省入平

舒縣 方輿紀要

清漳自章武縣故城西故濊邑也枝瀆出焉謂之濊水

東北逕參后亭分為二瀆應劭曰平舒縣西南五十里

有參后亭故縣也世謂之平鹵城枝水又東注謂之蔡

伏溝又東積而為淀一水逕亭北又逕東平舒縣故城

又東北分為二水一水右出為濊一水北注滹沱謂之

濊口 水經注

仙人洞在縣南俗名故縣村洞深入不能窮今已閉塞

名屬志

孝順窪在縣西良村相傳唐太宗征高麗萬馬飲之不

涸 大城縣志

大城城西五里有古墓近世民竊發之見五色石柳上有王羲之三字乃掩之好事者因立石識其處右軍故瑛邨人流寓江左墓本在會稽今大城云云其妄無疑矣然大城外黃皆有右軍祠開金世貴書至以字三抽進退士故北土多慕右軍而祀之 燕山叢錄

保定縣在州城南四十里 明一統志

保定本雄州歸信縣之新鎮也其形勝乃邊陣之衝要 九域志

太平興國六年以涿州歸信縣新鎮置平戎軍景德元

年改為保定軍 輿地廣記

宣和七年廢保定軍為保定縣隸莫州尋依舊 宋史

金為保定縣屬雄州元割屬朔州至元二年省入益津

縣四年復置 清類天文分野之書

保定縣從軍名也 郡縣釋名

保定故城相傳宋團練使楊延朗所築嘉靖庚戌羽書告亟郊圻震驚知縣事崇德呂煥首出俸錢以為倡乃度地量工斟酌舊址棄東南而依西北以便守也僅五月而告成與自為之記 保定縣志

縣治及學宮皆洪武中知縣事張仲謙建 同上

保定軍砦二桃花軍北七里父母軍北一十一里 九域志

政和三年改父母砦曰安寧

宋史

玉帶河在縣北遠縣東南入于磁河或曰即霸水之下流也

方輿紀要

磁河源自安州聚九河之水至雄縣為瓦濟河至保定縣為磁河入直沽

明一統志

二里城在縣東北宋時積糧於此

保定縣志

保定堤自路疇村起直抵西營唐頭等村計長四十里其南與文安界而北則霸州也議者謂決霸州之堤以疏水性而築大堤于南以衛文安則畿南十數州可免于水患矣

名勝志

張堪墓在城西南二里

保定縣志

竇建德墓在城西南二十里

同上

下舊聞按新舊唐書建德於陣前俘獲戮于長

京保定有墓未必真也

周以數千之師伐契丹不血刃而取益津關取瓦橋關又繼取高陽關是三關者晉人棄之以為契丹之元日下舊聞卷二十八終

山集

世宗出滄州北順水而行先降益津關次瓦橋關次

州

日不舊聞卷二十八錄

州安育墓未必其也

州安育墓未必其也

日下舊聞卷二十八補遺

京畿四

周以數千之師伐契丹不血刃而取益津關繼取瓦橋關又繼取高陽關是三關者晉人棄之以爲契丹之元首非特爲其右臂也嵩山集

世宗由滄州北順水而行先降益津關次瓦橋關次瀛州演繁露

李歌者霸州人其母一枝梅也年十四母教之歌舞李艷然曰人皆有配偶我何獨爲倡耶自是縞衣素裳誓不失身人有過之者李必詢坐中非惡少年乃出儼容默坐不敢以褻語加之有誤犯者拂袖徑起弗少留益津縣今年頗少以白金遺其母欲私之李持刀入室

以巨木撐戶罵曰吾聞縣令爲風化首汝縱不能正而
忍壞之耶今冠裳其形而狗蔬其行賊爾豈官人耶汝
來吾先殺汝而後自殺令驚走時監州聞其賢聘爲子
婦猶處女也居數年天下大亂夫婦逃難俱爲賊所執
罵賊而死 彈園雜志

霸州守張需見州民遊食者多每里置一簿列其戶戶
各報男女大小口數派其合種粟麥桑棗紡績之具雞
豚之數徧曉示之暇則下鄉至其戶簿驗之缺者有罰
於是民皆勤力無偷惰者 古懷雜錄

馬錄霸州城行霸州城外水繞墻霸州城頭戍卒強
四門高樓接烟霧縈迴十里多重楊去年豺虎滿天
地此城南北皆戰場至今落日照白骨霜野草猶

淋浪當時別縣人皆走此城之人苦相守五馬使君
身姓王募招壯士犒牛酒遂令萬夫同一心彎弓罵
賊不絕口固安與霸爲隣縣此事分明眼中見乃知
設險可守邦區區省費非民便 百愚集

正德中文安縣水忽僵立是日大寒遂成冰柱高五丈
周圍如其高中空而旁有穴數日流賊過文安鄉民入
冰穴中避賊得全土人謂之河僵 丹鉛錄

高松字守之號南厓子文安人不仕善書擘窠大字寫
灰堆山小景并梅菊蘭松墨竹鈎勒甚佳 畫史會要

移刺涅兒詣太祖軍門獻十策帝召見問爾生何地對
曰霸州因號爲霸州元帥 元史

石林亭迭兒仕金爲霸州平曲水砦管民官木華黎率

師至霸州迎降同上

王孝子原霸州文安縣人父曰珣娶于張生原小字曰某時畿輔役事煩苛比屋流亡珣無所仰賴餬其口四方原稍長數問母父安之母告以故輒哀啼不自勝願求父俱還母泣慰之既受室矣力請于母慟哭而出至燕至趙至齊糧盡行乞于市已渡海抵田橫島日夕颶風大作就道左土偶祠假寐夢游僧舍日當午僧炊莎米爲飯推而食之一盂味殊苦復和以肉汁曰甘乎曰甘已復口誦偈授之曰如來如來真箇來好去好去還須去忽聞剝啄聲而寤則一老父拄杖逍遙來前類有道者原起立須之流涕白所以且告以夢老父沉吟曰日當年者南方也莎草者其根附子也和肉汁者附子

膾也先苦而後甘子其南行乎必求諸蘭若中乃得之原因南踰汶泗渡洛漳至輝縣之山寺視其言爲夢覺原心自喜會雨雪倚寺門而臥殊爽僧出問少年何所人何以至此原對以文安人爲尋父來問父何狀曰生數月而父出不識狀僧引謁其師師分糜餽衆珣方爲僧都養僧召珣指原示之曰此少年亦文安人珣曰而父何人原曰王珣珣曰爾非小字某者耶原曰是也父子相抱而哭乃同歸原竭力耕田以供子職珣年八十有四而後卒越數十年有司上其事聞于朝詔旌其門原年亦八十有四有子六人孫一十五人曾孫二十有二人應期應霖舉進士大泌山房集

雄霸景德之間塘水初不相接因名東塘西塘二塘之

交蕩然可以爲契丹入寇歸路遂置保定軍界于景德
二州以當賊衝決後開導不已二塘相連雖不甚浩渺
而寇路亦稍梗矣 太平治述統類

顧清霸州修河繕城記霸州在京師南二百餘里厥
壤卑下西北諸山水散行燕趙間比其合皆滙于是
旣滙而盈然後東流出丁字沽會白河以入于海其
源衆而委迫遇霖潦則溢而上壤民田廬舍歲用不
登氓以告病州之城築以上無甃石之固水至則齧
之歲久益壞弘治戊午東魯劉君珩來治是邦是歲
築河隄起涿州東境接固安揚先務荆堡等村三州
之趙村務臨津水口經州南關過保定文安蘇家橋
抵大城縣之辛張口總二百餘里廣尋有二尺趾倍

之崇丈有八尺旁植柳以爲固其間爲水口一百六
十有七堤旣成水乃無患已未甃州城先北面當水
衝者以次及其餘城舊無南門樓至是新作之并爲
樓于北城與故東西二樓相望皆飾以丹漆基以剛
石可久勿壞其外爲濠濠跨四橋于濠上當城之門
城之高丈有七尺周六里三百二十步濠之深如城
之高而殺其一尺其上爲固防防之上亦樹以柳凡
一十七月而隄與城俱竣二役所費薪膏礎瓦木石
之類錢以四十萬計皆官自經紀不以煩民旣訖
工又以其餘力作大橋于州東苑家口以濟往來之
人新州學祭器師生會食器作順天府行府太僕分
寺馬神廟及諸藏庾廨舍壇壝衢路以次一新而民

不知費可謂得佚道使民之義矣

東江集

燕京行省石抹威得不遣使來告曰今燕南信安賊張
甫等出沒劫掠屢為民害請一名將拒歸水泊王命蕭
勃為霸州元帥統精兵五百往拒之

魯州忠武丁行錄

